



De formis, quae dicuntur futuri exacti et conjunctivi perfecti formae syncopatae in-so-sim

<https://hdl.handle.net/1874/226215>

B 40 192


Lith. 19 Oct 1896


H. CANNEGIETER.


De formis, quae dicuntur futuri exacti
— ET —
conjunctioni perfecti formae syncopatae in-so-sim.


TRAJECTI AD. RHENUM
APUD C. H. E. BREIJER.
MDCCXCVI.

A. qu.
192










DE FORMIS, QUAE DICUNTUR FUTURI EXACTI ET CONJUNCTIVI
PERFECTI FORMAE SYNCOPATAE IN-SO-SIM.



De formis, quae dieuntur futuri exacti
et coniunctivi perfecti formae synecopatae in-so-sim.

DISSERTATIO LITTERARIA INAUGURALIS

QVAM

EX AVCTORITATE RECTORIS MAGNIFICI

C. A. PEKELHARING,

in. fac. med. prof. ord.

AMPLISSIMI SENATVS ACADEMICI CONSENSV

NOBILISSIMÆ FACULTATIS PHILOSOPHIÆ ET LITTERARVM DECRETO

PRO GRADV DOCTORATVS

SVMMISQVE IN LITTERARVM CLASSICARVM DISCIPLINA

HONORIBVS ET PRIVILEGIIS

IN ACADEMIA RHENO-TRAJECTINA

RITE ET LEGITIME CONSEQUENDIS

FACVLTATIS EXAMINI PROPONET

HENDRIK CANNEGIETER,

e pago Niehove (Gron.).

Die XXIX m. Octobris. A. MDCCCXCVI, Hora IV.

TRAJECTI AD RHENUM


Apud C. H. E. BREIJER.

MDCCCXCVI.



TYP. P. DEN BOER — Utrecht.

PARENTIBUS OPTIMIS ET
SPONSAE CARISSIMAE.



Solent, qui dissertatione conscripta Almae Matri valedicturi sunt, parva praefatione gratias agere omnibus, quorum lectionibus interfuerunt. Neque ego hunc usum non sequar. Cum enim hos septem repeto annos, ante oculos mihi versantur omnia, quae debo Academiae Trajectinae ejusque professoribus.

Longum est Vos omnes nominatim appellari, Viri Clarissimi, quorum per brevius aut longius temporis spatium interful lectionibus. Grato semper animo recordabor Vestram omnium benevolentiam qua per omnes hosce annos erga me usi estis.

Te tamen excipio; Clarissime VAN DER VLIET, promotor aestumatissime, qui per omne fere meum linguarum studium dux optimus et benevolentissimus mihi adfuisti.

—
Quanquam studio academico peracto tandem intellexi
et cognovi melius aliquem non in una eademque Academia
per totum studii tempus remanere, per longum tamen id
tempus, quod breviore temporis spatio fortasse non accidet,
adumavi nostram Almam Matrem: floreat et crescat!

Vos denique mihi appellandi estis Amici, quorum, quan-
quam pauci estis, fructus sum amicitia firmissima et
fidelissima. Quocunque me fatum duxerit, vestrae amicitiae
semper meminero.

ARGUMENTUM.

	Pag.
PRAEFATIO.	
CAPUT I. de re etymologica	3
§ 1. <i>Opiniones Curtii, Schleicheri, Lübberti, Corsseni.</i>	
§ 2. <i>Opiniones Madvigii, Boppii, Westphalii.</i>	
§ 3. <i>Opiniones de etymologia aoristica.</i>	
§ 4. <i>De formis dixem, dixe, amassem, amasse.</i>	
CAPUT II. de re syntactica	20
§ 1. <i>Praefatio capitinis.</i>	
§ 2. <i>Syntaxis diversa, nullum discrimen etymologicum.</i>	
§ 3. <i>Syntaxis non diversa, discrimen etymologicum.</i>	
§ 4. <i>Nullum discrimen nec syntact. nec etymol.</i>	
§ 5. <i>Et syntaxis et etymologia differunt inter se.</i>	
CAPUT III. Exempla formarum in—so—sim. . .	33
A. <i>Formae quas gramm. lat. existimat conjunctivos.</i>	
§ § 1—7. I. <i>Optativus originalis.</i>	
§ § 7—10. II. <i>Conjunctivus originalis.</i>	
B. <i>Formae quas gramm. lat. existimat indicativos.</i>	
§ 10. <i>Conjunctivus originalis.</i>	

CAPUT IV. De aoristo, conjunctivo, optativo.	60	Pag.
§ 1. <i>Praefatio capitinis.</i>		
§ 2. <i>De notione aoristi originali.</i>		
§ 3. <i>De conjunctivi not. originali.</i>		
§ 4. <i>De optativi notione originali.</i>		
§ 5. <i>De significatione formarum in—sim.</i>		
CAPUT V. De vi syntactica formarum in—so et formarum futuri exacti et conj. perf. per —r— fictarum		77
§ 1. <i>De origine formarum in—ro—rim.</i>		
§ 2. <i>De conjunctivo perfecto.</i>		
§ 3. <i>De formis in—ro et —so</i>		

F O N T E S.

BRUGMAN, M. U. — Morphologische Untersuchungen a. d.
Gebiete der Indog. Sprachen von H. Osthoff und K. Brug-
man. 1878. sq.

BRUGMANN, Grdr. — Grundriss der vergleichenden Grammatik
der Indog. Sprachen. 1886. sq.

BOPP, Vergleichende Grammatik.

G. CURTIUS, Temp. u. Modi, — Die Bildung der Tempora u.
Modi im Griech. u. Lat. sprachvergleichend dargestellt. 1846.

CORSSEN, Ausspr. — Über Aussprache, Vokalismus u. Betonung
der Lat. Spr. 2^{te} ed. 1870.

CORSSEN, Beitr. zur Ital. Sprachkunde. 1876.

Fr. CRAMER, De perf. conjunctivi usu potentiali apud priscos
scriptores latinos, dissert. Marburg. 1886.

DELBRÜCK, S. F. — Syntaktische Forschungen von B. Delbrück
u. E. Windisch. 1871. sq.

G. HERMANN, de I. N. Madvigii interpretatione etc. — Opusc.
VIII. p. 415. sq.

- JACKSON, An Avesta grammar in comparison with Sanskrit. 1892.
- LINDSAY — W. M. Lindsay, An historical account of Latin sounds and flexions. 1894.
- LÜBBERT, — E. Lübbert, Grammatische Studien. I. Der Conj. perf. u. das fut. ex. im älteren latein. 1867.
- MADVIG, Opuscula Academica. 1842.
- MERGUET — H. Merguet, Die Entwickelung der lateinischen Formenbildung. 1870.
- TH. MEIFART, De futuri exacti usu plautino. dissert. Jena. 1885.
- NEUE — Fr. Neue, Formenlehre der Lateinischen Sprache. 2te ed. 1875.
- OSTHOFF, Perf. — H. Osthoff, Zur Geschichte des Perfects im Indogermanischen. 1884.
- STOLZ, Verbalflection. 1882.
- SOLMSEN, Stud. z. l. l. — Studien zur lateinischen lautgeschichte. 1894.
- SCHLEICHER, Comp. — Compendium der Vergl. gramm. der Indog. Spr. 2te ed. 1866.
- RIEMANN, Syntaxe latine. 1890.
- R. WESTPHAL, Verbalflection der lat. Spr. 1873.
- WHITNEY, Skt. Gr. — Sanskrit Grammar. 1891.
- R. KOHLMANN, Über das Verhältniss der Tempora des lateinischen verbums zu denen des Griechischen.

HANDB. — Handbuch der Klass. Altertumswissenschaft herausgegeben von Iwan Müller. 2^{te} Auflage.

K. Z. — Kuhns Zeitschrift.


ARCHIF für lat. Lexicogr. u. Gramm.

Tria opera, quae nominatim agunt de argumento nostro, mihi
non praesto fuerunt.

G. CURTIUS, De verbi lat. fut. ex. et perf. conj. 1844.

CH. BLINKENBERG, Om resterne af det sigmatiscke aorist i Latin.

J. V. NETUŠIL, Ob aoristach v latinskem jazyke. (Over de aoristi
i/d Lat. taal). 1881.



PRAEFATIO.

Post Madvigii „*de formarum quarundam verbi latini natura et usu disputationem*” (ed. 1835, 1836; = *Opusc. Acad. att.* p. 60 sqq) multae ortae sunt disceptationes de ratione etymologica et syntactica formarum perf. conjunctivi et fut. exacti, quae dicuntur; formarum sc. in—*sim* et—*so* cadentium. Cui rei necessario conjuncta est quaestio, quae sit perf. conjunctivi et fut. exacti in—*erim*—*ero* etymologia et vis syntactica. Deinde utrisque formis comparatis, quaerendum est, quo modo et qua ratione explicetur has formas modo eandem, modo diversam habere vim syntacticam.

Hisce de rebus diversas quae exstant componere opiniones meamque hic illic addere hoc libello conabor.

Duabus ergo quaestionibus primum respondendum videtur:

I. *Estne agnoscendum discriminem etymologicum?*

II. *Diversane existimanda est vis syntactica?*

Quadrifariam his quaestionibus responderi potest:

a. negatur discriminem etymologicum, affirmatur contra diversa vis syntactica.

b. formae diversa origine natae eandem habent vim syntacticam.

c. nullum exstat discrimen neque etymologicum neque syntacticum.

d. et etymologia et syntaxis utrarumque formarum differunt inter se.

Hanc jam nunc confiteor esse opinionem meam. Ceterae enim opiniones de his rebus stare non jam possunt, quippe quae non satis rationem habeant recentioris linguarum studii.

Attamen infra ostendere conabor *utrasque* formas esse *aoristos eandemque* ab origine habuisse *vim syntacticam*. Ne quis me vero inconstantiae et ineptiae accuset, animadversum volo me quadruplicem hanc respondendi rationem sumpsisse de vetustiorum grammaticorum opinionibus. Quare manifestis expressisque verbis statuendum censui, illas formas, quamvis utraeque sint aoristi, non ex *eadem forma aoristi* esse natas, neque in grammatica latina, quam agnoscit historia, *eandem habuisse vim syntacticam*.

Quo modo factum sit ut formae historicae in—*ero—erim*, quod ad syntaxin, differre videantur a formis in—*so—sim*, ostendam capite V.

CAPUT I.

Estne agnoscendum discrimen etymologicum inter formas in—so—sim et in —ero—erim?

§ 1. Quamvis plerique tractent hanc rem conjuncta quaestione syntactica, facile tamen eorum opiniones de ratione etymologica hic per se componi possunt. De formis in—ero—erim nemo est qui dubitet eas ortas esse e formis in *—iso *—isim, praetermissa interim quaestione, quae sit harum formarum *natura*.

Sunt autem, qui opinentur utrasque formas ex hac una forma originali esse ortas:

dixo et *dixero* <**dixiso*, *dixo* per syncopen, *dixero* per rhothacismum quem vocant (s inter vocales fit r per *z, quod est „stimmhaftes” s.)

Item *amasso* et *amavero* <**amaviso*. Partim sic opinantur:

**amāviso* > **amāvso* > **amāssō* (i. e. per assimilationem τῶν v et s).

Curtius. *Tempora und Modi*. p. 339.

Schleicher. *Compendium*. p. 830.

Lübbert. *Gramm. Stud. I*. p. 6.

Notandum est eos ad formam *prohibessim* explicandam singere perfecti formam hypotheticam **prohibēvi*.

Aliter sensit Corssen:

*ámāvīso> *ámāvīso> *ámāiso> *ámāso> amāsso; accentu corripitur ī, v inter vocales evanescit, ī post ā elabitur, accentu mutato geminatur s. cf. *Aussprache*. I². 317. II². 563.

Est etiam discrepantia sententiarum in explicandis formis *empsim*, *faxim*, *axit*, *capsit*, *occepsit*, talibus; i. e. formis verborum, quae carent perfecto sigmatico.

Perfecta per—i facta per syncopen singunt formas sigma-ticas, quales *empsim*, *incensit*, *rupsit*; *empsim* <*émisim.

Faxim, *taxim*, *axit*, *capsit*, *noxit* per syncopen orta sunt ex perfectis hypotheticis in—si; *faxim* <**faxisim*. (**faxi* et *fecī* eadem ratione qua *panxi* et *pegi* et *pepigi*.) In formis *effexis*, *objexim*, *occepsit* e nihil commune habet cum ē, quod est in *fēci*, *jēci*, *cēpi*.

Ita Corssen. l. l. p. 561.

Curtius l. l. p. 341. et Schleicher. *Comp.* p. 830. sic habent:

faxo <*fe—fac—so; *capso* <*ce—cap—so. (*fecī* <*feīci <*fe—fīci <*fe—fac—i. Curtius. l. l. p. 212). *fe—faci—siem> *fēfīcīsiem> *fēcīsiem> fecerim. cf. Schleicher *K. Z.* VIII. p. 399.

Lübbert. l. l. p. 9 et 72. assentitur Corsseno. Arridet ei opinio, quam protulerunt Curtius et Schleicher, quibus tamen assentiri non potest, quia modo perfecta

reduplicata sint *vera perfecta*. At formae sigmaticae „sind so unzweifelhaft und unleugbar historische praeterita, dass sie nicht aus einem so entschieden als eigentliches perfect characterisierten tempusstamm wie der durch reduplication gebildete es ist und sein muss, abgeleitet werden können.“ Quare potius sibi fingit perfecta hypothetica in—si, quae omnia cum perfectis in—vi credit *aoristos*, et opponit illa *veris perf. reduplicatis* cf. p. 72.

Perfecta autem reduplicata eodem modo fingunt conjunctivum et futurum, sc. addito—*sim* et—*so* radici perfecti, quae formae *syncopen vero non admittebant*. p. 73.

tetigerim <*tetigi—*sim* tetigi

taxim <*taxi—*sim* *taxi.

Evidenter non intellego qui fiat ut duarum formarum, quae *eodem* modo finguntur, altera syncopen admittat, altera non admittat.

Neque video quare una eademque forma sigmatica plenior, qualis **amavi—sim*, **dixi—sim* modo syncopetur, modo rhotacismo mutetur. Syncope enim viguit ante rhotacismum, testibus formis sigmaticis brevioribus, quae sunt sermonis vetustioris. Cur autem, dum vigebat syncope, non omnes ejusmodi formae syncopatae sunt, vel statim vel postea vigente jam rhotacismo, per analogiam formarum vetustiorum syncopatarum? Illi quaestioni responderi non potest, nisi respondeas cum Lübberto, veri perfecti, quae *syncopari non possint*, formarum trahente analogia, juxta formas *dixim*, *amassim* exstitisse *dixerim amaverim*. Demonstrandum tamen est cur

veri perfecti formae non syncopentur, nisi dicas has formas per se exstitisse labente syncopae usu et jam crescente vel paene peracto rhotacismo, qui peractus est ± 350 aCn.

Quod Lübbertus *l. l.* p. 72. omnia perfecta in—si et—vi *aoristos* existimat, modo, quod video, pertinet ad syntaxin; ex aoristi syntacticci et perfecti confusione deinde omnia perfecta sumpsisse credit significationem *praeleriti historici*.

Gravissimum est eum ét—r—formas ét—s—formas, *dixerim dixim, amaverim amassim*, ex eadem forma originali **dixisim *amavisim* ortas esse putare.

§ 2. Prorsus discrepantem opinionem de etymologia protulit Madvigius *l. l.* Formae in—sim et—so nihil commune habent cum perfecto; sunt formae originales, et quidem *indic. et conj. futuri*. Comparat latinas formas cum graecis: *axo* cum $\alpha\xi\omega$, et *amasso* cum $\gamma\epsilon\lambda\alpha\sigma\omega$, $\xi\gamma\epsilon\lambda\alpha\sigma\omega\alpha$. cf. *l. l.* p. 65.

Haec tamen interpretatio prorsus *aetiologicala* est. Quanquam ejus opinioni favere videtur formarum consonantia, origo ejus etymologiae quaerenda est in usu syntactico formarum in—sim. Formae in—so, excepto *saxo* et semel *indicasso* (*Pl. Poen.* 888) acceperunt significationem fut. exacti. Similis hujus opinionis est Madvigii sententia de relatione formarum per—r—fictarum. „Eius quod est *amavi* nullus est conjunctivus”; i. e. conj. perfecti natura sua est conj. fut. exacti.

Bopp. *Vergl. Gr.* III. § 856. formas quales *saxo*, *axo*, non derivat a perfecto hypothetico **faxi*, **axi*; unde si derivandae essent, verbum auxiliare—si (**fac—si*, **ac—si*)

amovendum esset, ejusque loco addendum auxiliare—sosim (sem).

An fortasse ex *faxero >faxo oritur? Cur autem ex fecero non etiam nascitur *fexo? An ex *faxiso? Potissimum derivat Bopp formas nostras de perfectis originalibus. \vee fac. perf. *fe—faca fut. ex. *fe—fac—so >faxo. Quod si verum credere non liceat, nihil habet quod verum credat, nisi Madvigii opinionem, formas axo, amasso esse *futura* qualia $\ddot{\alpha}\xi\omega$, $\gamma\acute{e}\lambda\alpha\sigma\omega$.

Aliam viam ingressus est R. Westphal. *Verballection der Lat. Spr.*, inde profectus, quod *amassim*, ss geminato, ortum esse non possit ex **amavism*.

Laudat p. 301. opinionem, quam protulit Fr. Gräfe. (*das Sanskrit verbum a. d. Mem. der Petersb. Akad. 1836* p. 107.) *amassim* natum esse ex* *amasesim*, illam vero sententiam non amplius explicat.

Planus Pott. *Etymol. Forschungen*. II. p. 94. (1836), qui derivat *amasso* a perfecto obsoleto **amā—si*; et ita *amassim* ab eo quod est **amasi—sim*. Illud **amāsi* est perfectum, fictum addito perfecto \vee es radici verbi *amare*, eodem modo quo *amavi*, addito perfecto \vee fu (i. e. bhū). Diversitas syntactica formarum *amassim* et *amaverim* eadem est, quae est \vee \vee es et bhū.

Hac opinione veri similius nihil habet Westphal quod probet; itaque ex forma *prohibessit* non jam deducendum est perfectum hypotheticum **prohibevi* sed **prohibēsi*. Tale perfectum obsoletum in—si illorum verborum, quorum ra-

dices in vocalem exeunt, eodem jure praesumitur quo perfecta qualia *faxy *axi *taxi. cf. Corssen, Lübbert.

Itaque hactenus mutat Lübberti opinionem, perfecta in—vi et—si esse aoristos, et ex eis modo fingi posse formas sigmaticas, ut dicat p. 306: praeter perfecta in—vi et—i (etiam reduplicata) olim extiterunt perfecta in—si, quorum reliquiae servatae sunt in perfectis in—si quae agnoscit grammatica tralatitia. Ab his modo perfectis derivandae sunt formae sigmaticae.

Eodem modo, quo indicativus perfecti singitur, radici verbi addito indicativo perfecti radicis es (*ēsī), ita conjunctivus perfecti et fut. exactum, eidem radici verbi additis conjunctivo perf. et futuro radicis es (*ēsim, *ēso). Westphal p. 308. suspicatur perfectum \vee es fuisse reduplicatum *es—esi unde *essi. Quod si ita esset, facilius explicatur—ss— in amasso, talibus.

*essi: *dic + (e)ssi > dixi; *ama + (e)ssi > *amassi

*essim: *dic + (e)ssim > dixim; *ama + (e)ssim > amāssim

*esso: *dic + (e)sso > dixo; *ama + (e)sso > amāssō.

§ 3. Nova hercle ratione explicantur formae sigmaticae ab eis, qui putant eas esse formas *aoristi sigmatici*.

Primum hanc opinionem prolatam invenio a H. Merguet, *Die entwicklung der lat. formenbildung*.

Huic sententiae conjuncta est opinio, perfectum in—si esse *aoristum*, etiam quod ad *etymologiam*.

Idem jam contenderat Bopp. Vergl. *Gramm.* I. § 546, sqq. qui tamen sine ullo discrimine omnes perfecti latini formas credit aoristos.

Merguet autem *l. l.* § 167. condedit perfectum in—si esse *aoristum originalem*, quod sequatur analogiam aoristi graeci in—σα et sanscritici in—sam. Adducitur ad hanc sententiam opinione sua, formas verbi, quae vulgo compositae dicuntur, non ortas esse posse ex compositione radieis verbi cum quadam verbo auxiliari, hic quidem sc. νεσ. cf. § 157, sqq. Sunt ergo formae in—sim *conjunctivi aoristi sigmatici*, quibuscum artissime cohaerent *futura* in—so. cf. § 175, 176. Quae autem verba in lingua historica habent perfectum non sigmaticum, illa formas sigmaticas derivant ab aoristo sigmatico obsoleto.

Post aoristum et perfectum in unum tempus confusa ex formis aoristi abstrahebantur quasi—suffixa—sim—so (—sem—se), quae deinde addebantur veris perfectis. Ita ex *dic—sim* finguntur **letigi—sim*, **seci—sim*, **amavi—sim* et inde rursus **dixi—sim*.

Posteriores, qui de hac re scripserunt, auctores amplius et accuratius tractarunt formas nostras. Praecipue quod ad formas in—so, ad aliam pervenimus opinionem post Brugmanni *Morphol. Untersuchungen*. III, 1880. Formae in—so non jam sunt *futura*, sed *conjunctivi thematici aor. sigmatici athematici*.

Cur autem formae in—so non sunt *futura originalia in—sio*, qualia praebent linguae Aiae, Balto-Slavicae et fortasse Graeca? quia i post consonantem, quotiens non evanescit illa consonans, fit *i sonans*.

Cf. Brugmann, *Grdr.* II, p. 423.

Factum esset ex *fac—sio > *faxio cf. medius < *medh—io— (Fut. graecum in—σω non incunctanter Brugmann existimare potest conj. aoristi; δειξω enim etiam < *δειξ—σιω esse potest. Veri similis videtur confusio futuri Indog. in—sio cum conjunctivo aoristi thematico.)

Formae autem in—sim sunt ejusdem aoristi *optativi*. (i = ī in singulare translatum est e plurali. cf. *sim* pro *siem* e *simus*).

Causas cur accedere non possit opinioni, formas *dixo*, *dixim*, alias esse syncopatas, sic concipit Brugmann *M. U.* III, p. 38.

a. si formae breviores syncopatae essent, locum obtinuissent formarum pleniorum. Attamen formae breviores in monumentis nostris sunt vetustiores, pliores contra recentiores.

b. si nobis singendi essent conjunctivus et optativus aoristi sigmatici radicis *deik̄, necessario secundum leges linguae exsisterent formae *deik̄—s—ō et *deik̄—s—īē—m; quae latine fiunt *dixo* et *dixim*. Quare accipiamus licet *dixo* et *dixim* pro conj. et optativo aoristi; praestat enim prius quaerere formam originalem, unde derivemus formam historicam, deinde illa non reperta, quaerere aliam rationem qua forma quaevis extiterit.

c. *dixim* e. t. modo habet significationem aoristi, nunquam notionem actionis perfectae.

Haec vera sint licet, restat tamen maxima difficultas in explicandis formis in—asso—esso (—isso). Discrimen syntacticum inter has formas et *dixo*, *faxo*, talia, omnino nul-

lum est; ejusdem ergo sunt originis; sed quo modo expli-
cabitur —ss—?

Si in—asso—esso— (isso), a, e, (i) sunt *breves*, —ss—orta
vel ex originalibus —ss—, vel ex —s(?) s—in unum con-
currentibus, vel ex ratione scribendi ejus quod est—s sur-
dum („stimmloses s”), nulla in ea rc est difficultas. Sin au-
tem a, e, (i) sunt *longae*, quaerendum est quare post voca-
lem longam —ss— non mutetur in—s—. Brugmann.
Grdr. II. 2. § 842. credit originitus has formas factas
esse additis —s—s, „da das —s suffix keincswegs ein spe-
ciell aoristisches suffix war.... so ist es nicht auffallend
dass von solchen verbalen —s stammen aoristformen mit
—s gebildet werden”.

Item Lindsay p. 463. explicat „the formations with
double s as due to the addition of some —s suffix
to a verbstem already composed by means of an —s
suffix.”

In *M. U.* III. p. 40. comparavit Brugmann formas
nostras cum Celtno, quod vocant, —s praeterito verborum
denominativorum, quod non solum est „eine *Weiterbildung*
des s—aorist” (cf. *Zimmer K. Z.* XXX.) sed forma origi-
nalis facta per —ss— quia —s— simplex lege linguae inter
vocales evanescit. Respondebit ergo celtna forma *carāss—
radici aoristi *amāss—. *Grdr.* II. § 840. accipit hoc —s.
praeteritum pro —ās. aoristo; radix enim aoristi est in—ās
(s), non—ās(s), cui obstat *M. Cymr. cereis* = amabam =
O. I. carus.

Formae autem hibernicae sic derivandae videntur, formae sc. conjunctae:

- carus <*carās—s—ō. (ō non originale).
- car(a)is <*carās—s—cs.
- caris <*carās—s—et. (forma absoluta).
- carsam <*carās—s—om—.
- carsid <*carās—s—ete.
- carsat <*carās—s—ont(o).

Conferenda autem Thurneyseni hypothesis, quam ibid. citat Brugmann, unde apparet nondum satis exploratam esse hujus praeteriti naturam.

Etiam Windisch contendit —s. praeteritum celticum fictum esse per—ss.¹⁾

Aliam excogitavit nostrarum formarum interpretationem Fr. Stolz. *Verballection* I. p. 65, quam tuendam censet etiam *Handb.* II. p. 374, nisi quidem praetuleris opinionem quam exposuerit Brugmann *M. U. III.* Ex originali autem aoristi infinitivi forma *amās—se ortum est *amāssere (cf. essere ex esse) et inde amāsso, qua forma nata id, quod erat originale: *amāso, obsolevit. Veri similius tamen mihi videtur ab —asso derivari—āssere, quam ab—*āsse per formam medium—*āssere, derivari—āssō. Non offenditur Stolz —ss geminato post longam.

Osthoff. *Perf.* p. 221. aliter sentit: *originales* aoristi

¹⁾ Quod equidem cognovi ex ejus lectionibus, quibus Lipsiae interfui per semestre hiemale 1895—1896.

formae sunt *dixo*, *dixim*; formae *syncopatae* sunt *dixem*, *dixe*; his inter se comparatis et compositis oriuntur ex syncopatis *amassem*: *amasse* formae analogae *amasso*: *amasim*; ex *amasso*: *amare* nascitur *prohibessim*: *prohibere*.

Lindsay, p. 461, adfert formas graecas $\tau\mu\eta\sigma\omega$ $\tau\mu\eta\sigma\alpha$ quorum —σ— ab origine geminatum fuerit, quippe quod —σ— inter vocales evanescat et ex—σσ— fiat—σ—simplex. (Cf. εῦσα < *εύσ—σα—ussi). Respondet ergo latino *amasso* (ā?) graecum $*\tau\mu\acute{\alpha}\sigma\sigma\omega$.

Indicativi aoristi per—ss—ficti reliquias conjicit Lindsay p. 462. superesse in Umbr. Osco—tt—praeterito: teremnattens == terminaverunt, quasi *terminassunt; prūfatted== probavit, quasi *probassit.

Brugmann *Handb.* II. §§ 45, 137; *Grdr.* II. p. 1179. aoristum denominativorum recentiorum $\tau\mu\eta\sigma\alpha$, $\tau\phi\lambda\eta\sigma\alpha$ derivat ex analogia radicum suffixo radicali a, e, ὁ, fectorum quales $\tau\sigma\eta\sigma\alpha$, $\tau\beta\eta\sigma\alpha$, $\tau\delta\eta\sigma\alpha$, $\tau\gamma\eta\sigma\alpha$, quae formae exstiterint trahente analogia formarum quales $\tau\delta\varepsilon\xi\alpha$, aliae.

At in formis latinis agnoscit—s—s—in aoristis, qui omnes sunt etiam *denominativorum recentiorum*!

Si probare liceat Brugmanni opinionem de formis *amasso* cet., Lindsayi de $\tau\mu\eta\sigma\omega$ cet., plurimorum de —s. praeterito celtico, contendamus in linguis *graeca*, *latina*, *celtica denominativa* aoristum sigmaticum finxisse, addito—s—radici auctae—(?) s—suffixo.

Grdr. II. p. 1202. Brugmann—ss—post vocalem longam interpretatur analogia earum formarum, quae —ss— post

brevem constantibus ratisque linguae legibus servent. Quintilianus tamen I. 7. 20—21 contendit tempore Ciceronis rationem scribendi adhuc esse *caussa, cassus, divisiones* atque in manuscriptis autographis Ciceronis et Vergilii s^e geminatum inveniri. In lege Rubria 49 aCn legitur *promeisserit* aliisque in inscriptionibus *caussa, accusasse, missit.* Cf. Lindsay p. 110. Index C. I. L. II, p. 601. 2.

Quamdiu autem formae in—asso et—assim vixerunt? Quo tempore adhuc pronuntiabatur ss in *caussa* cet., nostrae formae jam dudum erant immutables et archaicae locutiones. Antiquissima ergo ratione scribendi dederunt Romani *amaso*. cf. in lege Luci Spoletini: se quis *violasit*, Jove bovid piaculum datus; se quis scies *violasil* etc, quae scriptura remansit post rhotacismum *toū—s*—inter vocales pervulgatum, quandoquidem in nostris formis—s—erat pro—ss—originali. Ennii deinde tempore illud—s—, quod vel geminatum vel surde, („stimmlos,”) pronuntiabatur, in scriptura geminabatur, et in nostris formis servatum est, quae, antequam—ss—post longam transiit in—s—, in formulas immutables abierunt. Maximo huic rei adminiculo fuit analogia formarum *amassem, amasse,* quae ipsae nituntur analogia formarum unde ortae sunt, *amavissem, amavisse.*

Si autem agnoscendum est nostras formas, quod ad etymologiam, esse conj. et optat. aoristi alicujus sigmatici, equidem puto infinitivos in—assere et formas passivas, *faxitur* etc., esse formas recentius, i. e. in solo Italico fictas, „Neubildungen” quas dicunt.

Formas *passivas* enumerat Neue II.² p. 546; *jussitur* Cato. r. r. 14.1; *mercassitur*. C. J. L. I. 200:70; *turbassitur* Cic. legg. 3.4.11; *faxitur* Liv. 22.10.6; Fest. p. 166 „*nancitor: nactus erit*”, quare plurimi legunt *nanxitur*. cf. Stolz *Handb.* II. p. 374. Brugmann contra, non quidem disertis verbis dicit, quid de hisce formis sentiat; attamen videtur eas existimare formas originales.

Quod autem illae quatuor vel quinque formae passivae prorsus eidem usui inserviunt, cui formae activae, inde efficio eas esse formas per *analogiam fictas*, quae tamen vitales non essent. Sunt conamina, ut ita dicam, grammatica, nata eo tempore quo jam conjunctivus aoristi in—so loquentibus omnino idem erat quod fut. exactum. Infinitivi in—*assere* Neue II.² p. 541. decem enumerat exempla.

Romanis infinitivus in—*ere* artissime conjunctus erat cum verbis tertiae conjugationis. Cujus conjugationis formae in—*asso* praebent exemplum et trahente analogia verborum in—*esso*¹⁾, qualia *capesso*, *facesso*, facillime nastus est infinitivus in—*assere*. cf. Brugmann *Grdr.* II. p. 1285.

Quare autem non invenimus *prohibessere *ambissere? Non est obliviscendum contra *quinquaginta* fere verba, quae habent formam in—*asso*, duo modo extare, quae habent —*esso* (— *hibere* et *licere*) et *unum*, idque hypothetica modo exempla praebens in—*esso* (*ambire*). Si revera verba pra-

¹⁾ Quae M. U. III. p. 41. Brugmann putat esse conjunctives, et ea *Grdr.* II. p. 1202, quod ad suffixum, paria aestimat nostris formis in—*asso*. cf. Stolz *Urbalj.* p. 65.

sentia in—esso et—isso sunt conjunctivi originales, non est quod miremur. Habemus quidem infinitivos. in—essere et—isse, sed non jam eadem notione, qua inf. in—assere, sed transferunt in sensum praesentis. Neque leguntur infinitivi in—ere formarum *dixo, faxo*, i. e. formarum, quae derivantur a radicibus in consonantem cadentibus. Cujus rei mihi videtur causa esse duplex. Primum abest omnis analogia praesentium in—xo; deinde 32 radicum, quae praebent nostras formas in—so—sim, 15 habent *perfectum* in—si. Quae formae in—so—sim statim adjunguntur *perfectis* in—si et facile perfecti pars necessaria existimantur. 11 radices habent aliam perfecti formam (*rapio, noceo, tango, spondeo, occido, audeo, incendo, ago, facio, capio, jacio*); de formis *insexim* (*insequo*), *ulso?* (*ulciscor*), *nanxitur?* (*nanciscor*) nihil pro certo affirmare possumus, quia ignoramus horum verborum perfecti formam; *comessi* Menaechmi 616 prætermittendum est cum recentioribus editoribus; *rupsit* in XII tabb. conjectura nititur; *empsim* nititur perfecto—*empsi* in compositis.

Major ergo pars nimis arte cum perfecto usitato in—si coniungebatur quam ut admittere possent infinitivum praesens in—ere.

§ 4. Pauca his addenda sunt de conjunctivis plq. perfecti quales *dixem, amassem* et de infinitivis quales *dixe, amasse*.

Westphal. *Verbalfl.* in omnibus his formis contendit per *syncopen* syllabas —si— et —vi— esse deletas. cf. Corsen. *Ausspr.* II². p. 553. 557.

Attamen quaerendum, num haec formae disjungendae sint a nostris formis in—so—sim, i. e. num fortasse sint *aoristi* formae.

Merguet. *l. l.* § 177. opinatur suffixa —sim et —sem esse „lautlich verschiedene Entwicklungen des ursprünglichen *saim(i)”, quod verum esse non potest quia illud —*saim(i) nititur falsa opinione de natura graecae formae δεῖν—σαιμι; *dixe* par esse putat graeco δεῖξαι.

Brugmann. *M. U.* III. p. 42. contendit *dixem* comparandum esse formae qualis graece fuerit *δεῖξαι i. e. opt. aor. εδεῖξα. Quod necessarium esset, si formae quales *faxem*, *capsem* (i. e. verborum, quae carent perfecto sigmatico) nullis dubiis obnoxiae essent. Attamen hac formae minime certis nituntur testimoniois.

Quare, quia certae formae in—em modo occurunt derivatae a verbis, quae praebent perf. sigmaticum, Brugmann *l. l.* putat *dixem* esse fictum juxta *dixissem* eodem modo quo exstant *dixi*, *dixo*, *dixim* juxta *dixisti*, *dixerim*.

De his formis nihil invenio in *Grundriss*; quod autem omittuntur *Grdr.* II. § 824, equidem opinor Brugmann stare opinione sua in *M. U.* explicata, nostras formas esse per analogiam fictas. *Grdr.* II. § 162. A. I. idem videtur censere infinitivum *dixe* esse inf. originalem fictum suffixo (locativi sc.) —s—i.

Stolz *Verbfl.* p. 13. 14; *Handb.* II. p. 372. contendit formas quales *dixem* esse reliquias *indicativi aoristi*; ita:

*(e) —deic—s—m> dixem.

*ε —δεικ—σ—m> ἔδειξα.

et ex analogia *juxta dixe—dixem* ortum esse *dixisse—dixissem*.

Lindsay p. 508. § 49. idem obicit opinioni formas *dixem*, *dixe* esse formas originales, quod Brugmann M. U., eas sc. modo verborum, quae habent perfectum in—si, esse fictas; nunquam vero *juxta capso* occurrere **capsem*, talia. (Tales formae si quae occurrunt, nituntur falsa codicum lectione. cf. Neue II². p. 539.)

Mihi arrideat opinio infinitivos in—se esse *originales*. (Pro certo statuere non possumus quot horum infinitivorum superstitem sint originales, quot vero ex analogia per formam in—isse redierint ad formam originalem in—se.)

Conjunctivus autem temporis praeteriti artissime adjungitur infinitivo: *starem*—stare, *amarem*—amare, *plerem*—plere, *monerem*—monere, *legerem*—legere, *scirem*—scire, *audirem*—audire.

Manifestum est facillime ex hoc quasi necessario nexu infinitivi et conjunctivi temporis praeteriti nasci conjunctivum plppfti *dixem* *juxta dixe*.

Aliter vero etiam sentire possimus de ē—conjunctivo aoristi, sicut *starem* etc.

Quam quaestionem tamen dissolvere non possumus, quod constitui non potest, quas egerint partes syncope et analogia, quas vero formatio originalis.

Formae in—assem—asse—essem—esse—issem—isse *omnes syncopatae* esse videntur.

Cf. Solmsen *Stud. z. l. l.* p. 176 sq.

Licet ergo contendere formas in—so et—sim esse *formas aoristi originales*, unde formas quidem radicum in consonantem finitarum certa ratione explicare possumus, radicum autem in vocalem non nisi ad veri similitudinem.

Ad quamlibet autem formam originalem redire malueris formas in—ero—erim, omnes constat derivari a variis *perfecti radicibus*.

Est autem haec, quam dicebam, diversitas etymologica: non redeunt utraeque formae ad easdem formas originales.

CAPUT II.

Diversane existimanda est vis syntactica?

§ 4. A plurimis auctoribus varie huic quaestioni respondeatur. Vidimus Cap. I veri simillimam formarum in—so et—sim esse interpretationem, eas esse conjunctivos et optativos—s—aoristi, juxta formas recentius sictas in—ero—erim, quae undecunque derivandae sunt, artissime cohaerent cum indicativis perf. grammaticae latinae tralaticiae. Crediderim ergo indic. aoristi et indic. perfecti confusos esse in unam formam miscellaneam, quae habeat et aoristi et perfecti significationem; dum hoc autem fieret, et ex ipsa hac confusione paulatim extitisse solitas perf. conjunctivi et fut. exacti formas, quippe quae, ut intra exponam, derivandae sint ab alio aoristi prototypo; diu autem adhuc servatas esse originales aoristi sigmatici formas in—so, et—sim, quae significatione etiam suam ostendant originem.

Attamen cautionem res habet. Aoristi enim *formae* in linguis historicis non necessario conjuncta est aoristi *significatio*. Nobis non opus erit defendere, aoristum quandam

olim habuisse *propriam significationem originalem*. Ubi vero consideramus aoristi usum in lingua sanscritica classica, nullam iam propriam aoristi significationen repperire poterimus. Scribit autem Whitney *Skt. Gr.* § 825. „in the later or classical language they (indicativi aoristi) are simply prterits, exchangeable with imperfects and perfects; they all alike have in the older language the general value of a completed past or „perfect” translatable by *have done* and the like.”

Attamen Delbrück *S. F.* II. p. 87. contendit in dialecto *Vedica* aoristum significare „*das soebem Geschehene*”. Etiam in *Avesta* aoristus plerumque indicat „a simple past action, usually but not always momentary. cf. Jackson *Avesta Grammar*. § 624.

Quocunque modo haec res se habet, constat in lingua sanscritica classica evanuisse *propriam* aoristi notionem, idque documento esse poterit, in recentiore lingua non *necessario* aoristi formae inhaerere aoristi significationem.

Vicissim tamen, cum invenimus significationem, quae quadrat cum aoristi notione, admonemur, ut inquiramus an vocabulum, cui ea notio inhaereat, proferat ipsam aoristi formam. Investiganda est igitur vis syntactica formarum nostrarum, deinde quaerendum utrum haec quadret cum etymologia necne.

Memoravi p. 1, diversas sententias, quae de ratione syntactica et etymologica utrarumque formarum (in—so—sim sc—et in—ero—erim) inter se comparata extare possint.

- a. negatur discrimin etymologicum, affirmatur contra diversa vis syntactica;
- b. formae diversa origine natae eandem habent vim syntacticam;
- c. nullum extat discrimin neque etymologicum neque syntacticum;
- d. et etymologia et syntaxis utrarumque formarum differunt inter se.

Jam dixi me amplecti opinionem sub d. allatam; utraeque enim formae non ab eadem forma originali derivantur, neque, quod postea videbimus, eandem vim habent syntacticam.

§ 2. Partim ergo verum attingunt qui opinantur *syntaxin esse diversam, sed nullum adesse discrimin etymologicum*.

Primus Madvig contendit differre inter se formas, de quibus agimus, quod ad syntaxin. Ceterum non hic recensendus fuit propter opinionem illam suam de ratione etymologica, formas sc. in—so—sim esse indicativos et conjunctivos futuri. Quia tamen auctor est melioris de vi syntactica rationis judicandi et quia etymologia, quam protulit, esse videtur minus etymologia quam interpretatio significationis actionis logica, ab illo initium feci.

Vidimus autem jam Capite I eum non esse adductum ad opinionem suam usu formarum in—so—; nemo enim, neque Madvigi neque quisquis integre et sine opinione praedicta rem perscrutatur, negare potest formas in—so omnino pares esse formis futuri exacti sollemnisi in eisdem sc.

constructionibus. (Etenim *faxo* solum retinet notionem futuri primi, et fortasse semel *indicasso* Poen. 888.).

Conjunctivus tamen in—sim *nunquam* habet notionem fut. exacti. (i. e. non habet notionem perfectivam.)

Quod imprimis inde apparet, quod consuetudo sermonis latini, quam nos dicimus „taalgevoel”, non admittit constructiones quales sunt:

quaeso quid faxit.

nemo adeo severus fuit ut nunquam amassit.

Inde colligit M ad v i g i u s formas in—sim perverse perfecto ascribi. Atque opinatur formas in—so esse *futura prima* formasque in—sim eorum conjunctivos. Quo modo autem futurum I transire potuerit in notionem fut. exacti, explicat.

l.l. p. 79.

Accedit etiam infinitivorum in—assere notio, qua semper indicatur tempus futurum.

G. Hermann de J. N. Madvigii interpretatione etc. Opusc. VIII. p. 415. sq. M ad v i g i u m impugnavit nostrisque formis vindicavit naturam et notionem perfecti. Attamen negare non potest neminem dicere posse: „*quaeso quid faxit?*” „*nemo adeo fuit severus ut nunquam amassit.*”

Quare, ut sibi aliisque explicaret quo modo factum sit, ut formae ejusdem originis (formae sc. per—s—et per—r—fictae) tantopere significatione inter se differant, scripsit: „nam cum formae istae (se—in—so—sim) magis magisque obsolescerent, unde jam apud Terentium rarissimas esse ipse (M ad v i g) animadvertisit, cumque fere in legibus tantum

et comprecationibus jus suum obtinerent, vetando orandove inservientes, paulatim visae sunt voluntati potius quam rebus praeteritis significandis aptae esse, cet."

Jure rogat Westphal *l. l.* p. 298. haec si vera sint, quo modo explicandum sit, apud Plautum formas sigmaticas nondum e sermone quotidiano evanuisse.

Longe gravissimus auctor opinionis, de qua nunc agitur, est Lübbert, qui in Studiis Grammaticis¹⁾ fusius hanc rem tractavit. Exemplis praecipue Plautinis, aliorumque auctorum compositis, concludit formas, de quibus agimus *carere notione praeteritali*. Citat conjunctivum et optativum aoristi graeci, quibus neque ipsis ab origine inhaereat notio praeteritalis, quique semper indicent rem futuram; „das factisch dagewesene bezeichnen die subjectiven modi noch nicht.”

Itaque formae in—sim reperiuntur in diversis conjunctivi functionibus, quae omnes spectant futurum vel certe nullo cum tempore praeterito vinculo conjunctae sunt; formae in—so indicant „ein bedingt bevorstehendes sein.” „Die älteste sprache [unterschied] mit feiner distinction die grade der potentialität in dem fut. exactum und conj. perfecti.” (sc. in—so et—sim). Excipitur modo 1^a pers. sing.

Quo modo hoc explicandum erit, cum formae quales dixero, dixerim, indidem ortae unde dixo, dixim, *praeter hanc τῶν dixo et dixim significationem*, habeant etiam prorsus aliam?

¹⁾ E. Lübbert. Grammatische Studien I. 1867.

Formis originalibus *die—si—so et *die—si—sim tantum inerat notio, quam servaverunt dixo et dixim. Ex confusione aoristi et veri perfecti *dic—si—so et *dic—si—sim deinde sumpserunt notionem perfecti. Non inversa ratione formae originales habuerunt utramque notionem, quarum altera modo servata sit in formis sigmaticis. Refutat Lübbert aliorum de hac re opiniones.

Lindemann in *Capt. 1. 2. 43*: „ego tamen in eam sententiam inclino, ut haec omnia existimem *perfecta*, quae tamen non raro natura sua, ut omnia perfecta, praesentis notionem asciscunt.”

Holtze *Synt. II. 79.* „Saepissime tamen conj. perfecti potentialem habet significationem, ut pro praesenti videatur ponи, quod si fit, actio per antecedens quasi jam praeterita singitur et animo repraesentatur.”

Zumpt. *lat. Gramm.* § 528. non negat difficultatem quandam inesse in notione potentiali derivanda ex vera perf. conjunctivi natura; „es könnte nur geschehen auf der selben weise wie das fut. exactum in ein futurum simplex übergeht, durch eine energie des ausdrucks, etwas unvollendetes als schon vollendet zu setzen.”

Lübbert p. 59, non assentiri potest opinioni, vim syntacticam natam esse ex notione perfecti logici, neque ex illo fortiore genere loquendi („energie des ausdrucks), quo non excluditur nostrarum formarum usus perfectivus.

Quare autem 63 locis (cf. Lübbert p. 59, A.), ubi occurunt verba, quae formas et pliores et breviores habent,

nullum invenimus exemplum formae brevioris cum notione perfectiva?

Aliam igitur explicationem excogitavit. Omnia perfecta latina *exceptis reduplicatis*, non sunt vera perfecta, sed *preterita historica, aoristi*; itaque conjunctivi in—sim retinuerunt notionem originalem.

Etiam vera perfecta singunt conjunctivum addito suffixo—*sim*, quae tamen formae non syncopantur, sed posteriore tempore rhotacismo mutantur.¹⁾

His formis inerat notio perfectiva; per analogiam extiterunt aoristorum formae per —r— *sictae*, in quas transiit notio perfectiva, ita ut ét aoristi ét perfecti conjunctivi vice fungentur. Notio aoristi vicissim transiit in veri perfecti formas.

Sola aoristi notio servata est in formis sigmaticis.

Futuri exacti forma originalis ab origine significabat „das vollendete sein in der zukunft.” Deinde post omnium formarum confusionem, id quod est fut. exactum grammaticae latinae assumpsit etiam indicationem temporis relativam, („relatieve tijdsbepaling”). Capite I jam dixi me non intellegere, quo tandem modo Lübbert animo sibi fixerit confusionem formarum et significationum.

Etiam Neue. II². p. 547, 549, affirmat discriminum syntacticum nec quicquam disserit de diversitate etymologica. De infinitivis in—assere mirabilem protulit opi-

1) Cf. Cap. I. p. 5. Lübbert. p. 73.

nionem, *eos sc. revera esse futura exacta.* „Credo hoc me impetrassere = credo futurum ut impetraverim, mihi impetratum fore.”

Licet nimirum in his infinitivis explicandis diversas temporis indicationes comminisci illisque attribuere. Haec autem, quam dedit Neue interpretatio, videtur nata esse ex usu, qui specie quidem formarum in—so proprius esse videtur. Quicunque tamen sine ulla opinione praejudicata perlegit locos Plautinos *Amph.* 210; *Aulul.* 687; *Capt.* 168; *Casina* 271; *Mil.* 1428; *Stich.* 71; nihil aliud esse existimabit illos infinitivos nisi inf. *futuri*.

§ 3. Paucissimis modo verbis agamus necessis est de eo quod p. 1 sub b dixi: *formae diversa origine natae eandem habent vim syntacticam.*

Nullum inveni auctorem qui utrasque formas *revera* a diversis originibus derivet nec tamen agnoscat discrimen syntacticum.

Quod enim contendit Schleicher *Compendium* p. 830: *faxo < *fe-fac-so* juxta formam recentiorem *fecero* *< *feci-so* eodemque modo *faxim < *fe-fac-siem* et *fecerim < *feci-siem* non est vera diversitas etymologica. cf. Schleicher *K. Z.* VIII, p. 3 qq.

§ 4. Venimus ad tertiam opinionem: *nullum exstare discriminem nec etymologicum nec syntacticum.*

Cujus opinionis auctores enumerantur a Lübberto: Ritschl, Fleckeisen, Curtius, Corssen.

Apparet Ritschelii et Fleckeyensi opinio ex lectio-

nibus Plautinis *Amph.* 207; *Men.* 597; 628; *Merc.* 758; *Rud.* 129, ubi legunt formas in—sim notione perfectiva.

Isdem tamen locis recentiores aliam lectionem praferunt itemque alio modo interpretantur duos locos Varronis, quibus usi sunt ei, qui formis sigmaticis ascribunt significationem perfectivam

Curtius et Corsen, quod pertinet ad eorum opinionem de etymologia, potius rccensendi essent sub § 3, nisi fusius de ratione syntactica egissent. Illi quoque utrasque formas derivant a *perfectis*, sive quae revera in usu sunt, sive quae finguntur. cf cap. I § 1.

Curtius autem *Temp. u. Modi.* p. 295. sq. 301. sq. contendit perfecta in—vi (ui) et—si esse *vera* perfecta, nata ex compositione radicis verbalis et perfecti radicum es et bhu. Igitur formae quae ab his perfectis derivantur necessario participes sunt notionis perfectivae. Vicissim eo quod perfectum latinum habet conjunctivum significatione praeteritali, prohibetur ne perfecto ascribat significationem aoristi.

Majoris momenti sunt, quae protulit Corsen. Post Lübberti disputationem conatus est in altera editione libri cui titulus *Aussprache* etc., refutare illius opinionem. Cf. *Ausspr.* II² p. 566. not. Idemque in alio libello multa objecit Westphalio, quippe qui satis non habuerit rationem Corseni opinionis in *Ausspr.* II². p. 566. cf. *Beitr. z. It. Sprachk.* p. 524.sq.

In hunc autem modum ratiocinatur: quamvis ipse comparaverit perfectum latinum cum quibusdam aoristi Sanscritici

formis, quatenus utrumque tempus habet—i—, minime dictum vult, perfectum lat. olim tantum indicasse „das eintreten einer tätigkeit in der vergangenheit”. Nam praeter hanc significationem ab origine etiam habuit notionem *perfecti logici*.

Deinde ex variis exemplis ostendere conatur conjunctivum perf. syncopatum non caruisse significatione praeteritali. Quod etiam si verum non sit, tamen non recte judicasse Lübbertum, formas syncopatas *nunquam* habuisse illam significationem.

Quia enim, inquit, suffixa perfecti —i, —si, —vi indicant, sive „die in der vergangenheit eintretende”, sive „die in der gegenwart abgeschlossenen handlung,” altera certe notio *omnibus perfecti formis* inerat, neque licet partem formarum secernere, iisque solam notionem futuram ascribere. Ubi hanc inveneris cogitandum erit de deminutione significationis originalis.

Quod ad rationem hujus deminutionis pertinet, sequitur G. Hermannum.

Quae deminutio fieri potuit eo, quod perfectum amiserit „den bedeutungsvollen bildungsvocal i,” quasi propugnaculum significationis perfectivae.

In explicando ergo usu syntactico conjunctivi in—sim praetermittator quaestio, fueritne aoristus originalis necne, quae lucide disceptari non possit.

Modo quaerere possumus, cuius potissimum significationis originalis accipienda sit deminutio illa, utrum perfecti logici,

an actionis, quae in tempore praeterito incipit („in der vergangenheit eintritt.”)

Memoria tenendum est Corsenum significationem subjectivorum aoristi modorum derivare a notione actionis quae, „in der *vergangenheit* eintritt”. Utroque igitur modo habebimus in nostris formis quandam *praeteriti* notionem. Quae cum ita sint, potius cogitat Corsen de debilitate perfecti logici, qua quod nondum perfectum est tamquam jam perfectum ponitur. Cum periret vocalis illa formativa —i— non jam sentiebatur vis perfectiva, quare patuit latius nostrarum formarum usus.

§ 5. Venimus ad quartam rei discernendae rationem: *et etymologia et syntaxis differunt inter se.*

Omnes de quibus adhuc egimus auctores profecti sunt a quadam opinione praejudicata, qua et ob quam opinionem alius alio modo rem porro interpretati sunt.

Recensuimus Madvigii futurum, nitentem usu et significatione formarum in—sim et—so et similitudine futuri graeci; Lübberti aoristum, (aoristum sc. syntacticum, quod video) ad quem statuendum adductus est propter syntaxin nostrarum formarum; Curtii et Corsseni interpretationes firmatas derivatione, quam veram esse putabant, a radice perfecti.

Cardo, in quo vertitur quaestio de diversitate etymologica, est opinio, praeter *perfectum* etymologicum linguam latinam habuisse *aoristum* etymologicum.

De discrimine syntactico omnes qui hic recensendi sunt

idem fere sentiunt; unum modo quaerendum est: possimusne discrimen syntacticum explicare discrimine etymologico necne. Prinus Brugmann *M. U.* III, aoristum sigmaticum linguae latinae vindicavit, ad quam opinionem confirmandam adduxit usum formarum in—so—sim.

Jam Merguet *l. l.* § 175, 177, defendit aoristum etymologicum, attamen non satis firmiter ad rem probandam, simulque false judicavit de formis in—so.

Stolz *Verbalst.* p. 12, 43, assentitur Lübberto de ratione syntactica; cuius opinio „sich recht schön mit Brugmann's analyse der formen deckt.” cf. id. *Handb.* II, p. 274.

Osthoff *Perf.* p. 219, ut qui accipiat Brugmanni judicium de aoristis etymologicis *dixo* et *dixim*, non dubito quin agnoscat etiam discrimen syntacticum.

Lindsay p. 465, sic habet: „the forms in—(s) so may be called future perfects; thus *faxo* corresponds to *fecero* in Plaut. fgrm 62 (= Fretum, G. S. VII. p. 143, 1). *Peribo si non fecero, si faxo vapulabo* but they are often used in the dramatists, as the ordinary fut. perf. is also used, in the sense of a future.

The forms in—(s) sim have *never* a reference to past time.” (idem p. 461, 462 agnoscit etymologiam aoristicam.)

Ut recte discernamus et judicemus, triplici ratione agendum est.

¹⁾ Plautus. G. & S. = editio Teubneriana cura G. Goetz et Fr. Schoell. 1893—1896.

1. Exemplis compositis nulla opinione praejudicata, constituendus est usus formarum in—so et—sim.
2. Investigandum possitne hic usus explicari etymologia aoristi necne.
3. Explicandum, quo modo formae in—so—sim et in—ro—rim modo eadem modo diversa vi et sensu saepissime in monumentis litterariis obtineant.

CAPUT III

Exempla quae exstant formarum in—so et—sim.

De ordine, quo exempla disposui animadvertisendum est, me longe discessisse a ratione, qua Lübbertus ¹⁾ in iis disponendis usus est. Non enim sequor divisionem modo *conjunctioni et indicativi*, qua utitur grammatica latina tralaticia, sed inde profectus, ostendere conabor, *originales functiones optativi et conjunctivi* agnosci posse in nostris formis, quas Romani *conjunctivi et indicativi* nominibus comprchenderunt. Capite deinde IV fusius et accuratius expolam, quae tandem sint optativi et *conjunctivi* functiones *originales* et derivatae et qua ratione interpretandae sint formae per—s—et—r—fictae, ratione habita notionis aoristi, quae his formis propria est.

A. *Formae quas grammatica latina existimat conjunctionivos.*

I. *Optativus originalis.*

§ 1. *Verus optativus in sententiis primariis positivis.*
Ennius Medea exul. frgm. XXII. ed. Müller p. 418 ^{2).}

¹⁾ I. l. p. 30—41, 87—91, 99—102.

²⁾ Q. Enni carminum reliquiae ed. Lue. Müller 1885.

Juppiter . . . qui res omnis spicis, . . . Inspice hoc facinus ! prius quam fiat *prohibesseis* scelus.

Festus p. 351, 10. „bene sponsis beneque volueris“ in precatione augurali Messala augur ait significare „spoponderis, volueris“.

Capt. 622¹⁾ at ita me rex deorum atque hominum *faxit* patriae compotem.

Most. 398. ita ille *faxit* Juppiter.

Pseud. 923^c. ita ille *faxit* Juppiter.

Cist. 742. at vos Salus *servassit*.

Persa. 330. quae res bene vortat . . . ventri meo *Perennitassilque* adeo huic perpetuo cibum.

Pseud. 13. ita te Juppiter *prohibessit*.

Cornicul. fr. IV. mihi Laverna in furtis *celebrassit* manus.
(locus corruptus.)

Liv. 29. 27. eaque vos omnia bene juvetis, bonis auctibus *auxilis* . . . inimicorum hostiumque uleiscendorum copiam *faxitis*. (in precibus Scipionis.)

Tertiae personae pluralis plurima inveniuntur exempla, et plerumque legitur forma *faxint* in sententiis quales sunt: *ita di faxint*, *di faxint*, *di meliora faxint*. Hujus formae exempla legimus: *Aulul.* 257, 788; *Capt.* 172; *Cist.* 51, 523; *Merc.* 285; *Most.* 463; *Persa.* 652; *Poen.* 911, 1400; *Pseud.* 315; *Vidul.* 86; *Hecyra*, 102, 134, 354; *Heaut.* 161.

¹⁾ Plautum laudo ex editione quam curaverunt G. Goetz et F. Schoell. Lipsiae Teubner. 1893—1896.

Alia ejusdem personae exempla sunt:

Asin. 654. *di te servassint semper.*

Casina. 324. *di te servassint mihi.*

Pseud. 37. *at te di deaeque omnes quantumst . . . servassint quidem.*

Stich. 505. *ita me di bene ament measque mihi bene servassint filias.*

Trin. 384. *di te servassint mihi.*

Aulul. 50. *utinam me divi adaxint ad suspendium.*

Curc. 578. *at ita . . . Bene me amassint.*

Pacuv. 112. (ed. Ribbeck). *di monerint meliora atque amentiam averruncassint tuam.*

Ennius Telephus. frg. IV. (ed. Müller p. 98.) *qui illum di deaeque magno mactassint malo.*

Afranius. 264. (ed. Ribbeck) *di te mactassint malo.*

Pomponius. 137. (ed. Ribbeck) *at te di omnes... mactassint malo.*

§ 2. *Verum optativum in sententiis primariis negativis* (neg. *ne vel particula negativa*) fortasse agnoscas in quibusdam exemplis, *quae infra enumerabuntur sub § 8¹⁾,* in quibus equidem tamen opinor agnoscendum esse *conjunctivum* originalem. Omnes enim, *quae ibi leguntur sententiae,* sunt sententiae, quibus inest notio *timendi, monendi, vetandi,* ubi originitus conjunctivus suum obtinet locum. cf. Cap. IV.

§ 3. *Verus optativus in sententiis secundariis.*

¹⁾ Cf. p. 45.

Enuntiatorum *relativorum* unum modo inveni exemplum: sc. *Amph.* 461. quod ille *faxit* Juppiter; nisi hic etiam recensendas putas sententias optativas quales sunt: qui illum di *maclassint* malo.

Enuntiata secundaria cum conjunctionibus.

a. ut.

Aulul. 611. verum id te quaeso *ut prohibessis*, Fides.

Cato. r. r. 141. Marspater te precor *uti* tu morbos.... *prohibessis* utique tu fruges.... grandire *siris*, pastores pecuiaque salva *servassis* *duisque* bonam salutem. (de *siris* cf. Solmsen. *Stud. z. l. l.* p. 179.).

Titulus L. Mummi. a. u. c. 608. C. I. L. I. 542. tua pace rogans te cogendei dissolvendei *tu ut* facilia *faxseis*.

Ennius. Ann. IX frg. VIII. ed. Müller. p. 40. libertatemque *ut perpetuassint*, Quaeque axim....

Afranius. 83. ed. Ribbeck. deos ego omnis *ut fortunassint*, precor.

Liv. 1. 18. Juppiter pater, si est fas hunc N. P. regem Romae esse. *uti* tu signa nobis certa *acclarassis* inter eos fines, quos feci.

b. ne.

Casina. 628. Cl., apscede ab ista, opsecro, *Ne* quid in te mali *faxit*, ira excita.

Captiv. 320. set te optestor, Hegio, *Ne* tuum animum avariorem *faxint* divitiae meae.

Truc. 524. *ne*, ille priusquam spolia capiat, hinc nos *extinxit* famae.

Phormio. 552. quaere, obsecro, Ne quid plus minusve *saxit*, quod nos post pigeat.

Pacuv. 122. ed. Ribbeck.

.... primum hoc abs te oro, *ni* me inexorabilem Faxis;
ni turpassis vanitudine aetatem tuam, Oro, nive plectas
fandi mi prolixitudinem.

Attius. 555. ed. Ribbeck.

quod te obsecro, aspernabilem Ne haec taetritudo me
inculta *faxsit*.

Caecilius. 139. ed. Ribbeck.

hoc a te postulo, Ne cum meo gnato posthac *limassis*
caput.

§ 4. *Optativus potentialis in enuntiatis primariis positi-
tivis et negativis.* (*neg. non en haud*).

Amph. 511. ego *saxim*¹⁾ ted Amphitruonem malis esse
quam Jovem.

Aulul. 420, quoi ego male plus lubens *saxim*.

ibid. 494. ego *saxim* muli sint viliores.

Merc. 826. ecastor *saxim* plures viri sint vidui

Persa. 73 si id fiat, ne isti *saxim* musquam appareant.

Poen. 1091. male *saxim* lubens.

ibid 1093. male *saxim* lubens.

Trin. 221. pauci sint *saxim*, qui sciant quod nesciunt.

Adelphi. 886. et tibi lubens bene *saxim*.

ibid. 895. lubens bene *saxim*.

1) Notanda est significatio formae *saxim* = ik wil wedden.

Pac. 424. ed. Ribbeck, topper tecum, sist potestas,
faxisit; sin mecum velit....

Aulul. 474. jam hunc non *ausim* praeterire.

Bacch. 697. id non *ausit* credere.

ibid. 1056. ego cum illo pignus haud *ausim* dare.

Merc. 154. egon *ausim* tibi..... proloqui?

ibid. 301. sed *aussimne* ego tibi eloqui fideliter?

Mil. 11. tam bellatorem Mars se haud *ausit* dicere.

Poen. 149. egone istuc *ausim* facere, praesertim tibi?

ibid. 1358. haud aliter *ausim*.

Eunuchus. 884. non *ausim*.

ibid. 904. neque pol servandum tibi Quicquam dare *ausim*.

Lucr. 2. 177. hoc tamen.... *ausim* Confirmare.

ibid. 6. 412. an hoc *ausis* nunquam contendere factum?

Asinaria. 503. haud *negassim*.

Cas. 347. non ego istuc verbum *empsim* titivillicio.

Mil. 316. non ego tuam *empsim* vitam vitiosa nuce.

Mil. 669. quid ad illas artis *optassis*, si optio eveniat tibi.

Pacuv. 209. ed. Ribbeck.

fac ut coepisti: hanc operam des mihi perpetem:

Oculos transaxim.

Lucr. 3. 444. aëre qui credas posse hanc cohiberier ullo?

Corpore qui nostro rarus magis is *cohibessit*?

Hi quatuor loci non certi sunt, sed conjecturis sanati.

§ 5. *Optativus potentialis in sententis relativis.*

Asin. 613. mihi certumst ecficere omnia in me eadem
quae tu in te *faxis*.

Mil. 624. si te quicquam, *quod faxis* pudet, Nil amas.

Pacuv. 298 ed. Ribbeck..... veniam precor Petens ut *quae egi, ago, axim*¹⁾, verruncent bene.

Liv. 3. 64. in lege sacrata anni 445 aCn. tum ut ii, *quos* sibi collegas *cooptassint* (cooptassent. cdd.), ut illi legitimi eadem lege tribuni plebei sint.

Liv. 6. 41. in oratione Appii Claudii 367 aCn. *quod faxitis*, velim deos fortunare.

Syri sent. 515. ed. Ribbeck.

heu, quam miserumst ab eo laedi, de quo non ausis queri.

§ 6. *Optat. potentialis in enuntiatis condicionalibus.*

Difficillimum est in hisce enuntiatis separare et recte dijudicare, ubi agnoscendus sit *conjunctivus*, ubi contra *optativus* originalis; uterque enim in sententiis conditionalibus locum obtinet. Primum autem, quod ad formam, formae in—so et—sim similes sunt inter se in lingua latina, quam nos quidem novimus (excepta 1^a pers. sing); deinde saepissime interpretatione subjectiva discernendum est, qualem aliquam formam existimemus, idque co magis quod formae in—so post *si* semper quandum servant vim hypotheticam. Praeterea ex contextu eliciendum est, unde conjunctivus

1) Mirari possumus quid sibi velit illud *axim*, conjunctivus juxta indicativos *ago, egi*, conjunctivus scilicet ex opinione grammaticorum Romanorum. Quod habet *Nomius*. 505. 16. s. v. *axim*: „*axim, egerim*” ineptum est; juxta *egi* „*egerim*” nihil significare potest et interpretatio modo orta est ex Romanorum opinione formas in—sim eadem esse notione, qua formae in—rim. Quod falsum esse jam hinc appareat.

ortus sit, an fortasse in oratione indirecta sit pro indicativo orationis directae. Paucissima autem exempla accurate dijudicari possunt; quod tamen ad summam rei nullius est momenti; quae enim quis exempla hic recensenda non putarit, recenseat sub B hujus capituli.

Delbrück. Synt. Forsch. I contendit in sententiis condicionalibus *conjunctivum indicare id, quod pro jam certo praesumitur* („voraussetzung”), *optativum contra hypothesin* („annahme”).

Significatione illa conjunctivi in condicionibus explicare possumus usum *indicativi* post *si* in lingua latina, quippe qui indicet non dubitari, quin condicio rata sit; idem ergo quod dicit *Delbrück* „voraussetzung”.

Neque vero *conjunctivus* post *si* caret explicatione; is enim ex iis, quae dicimus, existimandus est *optativus hypotheticus*.

Componantur deinde exempla, quae quanquam plerique auctores credunt conjunctivos, re vera continent optativum originalem.

Amph. 69. ed. Ritschl.

Nam *si* qui palmam *ambisset* histrionibus, *Sive ipse ambisset*, seu per internuntium (locus corruptissimus).

Asin. 603.

ne iste hercle ab illa non pedem discedat, *si licessit*.

ibid. 612.

quid me facturum putas, *si* istuc quod dicis *fuxis*?

ibid. 770.

si quem alium *aspexit*, caeca continuo siet. (oratio indi-

recta, quod video. Versus enim e. g. 771—773: „*tecum una postea aequa pocula potitet, abs te accipiat, tibi propinet, tu bibas, ne illa minus aut plus quam tu sapiat,*” inepti essent, si parasitus orationem directam praelegeret adulescenti Diabolo.)

ibid. 794. fors *si* tussire *occepsit*, ne sic tussiat.... (oratio indirecta eadem ratione).

Auhul. 228.

nunc *si* filiam *locassim* meam tibi, in mentem venit, Te bovem esse et me esse asellum.

Capt. 712.

nam cogitato, *si* quis hoc gnato Tuo tuos servos *fazit*, qualem haberes gratiam?

Hisce duobus locis certo *hypotheticus* agnoscendus est.

Cure. 380. qui homo mature quaesivit pecuniam, *Nisi* eam mature *parsit*, mature esurit.

Men. 416. ne feceris! Periisti, *si intrassis* intra limen.

Mil. 1417. quid, *si id non faxis?*

Poen. 27. ne et hic varientur virgis et loris domi *Si* minus *curassint*, quom eri reveniant domi.

ibid. 428. egone, *si* istuc lepide *effeaxis*.... ut ego non te hodie.... emittam manu?

ibid. 1208. id ego, *nisi* quid dei aut parentes *faxint*, qui spercom hauscio.

Pseud. 533. sed *si non faxis.*

ibid. 939^b. sed ego quae tibi bona dabo et faciam, *si* sobrie hanc rem *accurassis.*

ibid. 1022. ne in re secunda nunc mihi obvortat cornua,
Si occasionem capsit.

Rud. 304. *nisi quid concharum capsimus.*

ibid. 1345. *si defraudassis,* dic ut te in quaestu tuo...
(or. indirecta).

Truc. 60. *quos quom celamus, si faximus* conscius...

Unicum hoc est exemplum, quod certo praebet i, vocalem optativo propriam.

Stich. 192. ex Lübberti conjectura: ii hercle verbo lumbos deflectos velim <Nam ego cum quovis nunc pignus in cenam duim> Ni perierit *nive* iste *cenassit* domi.

Ennius. Phoenix. frg. III, p. 126. ed. Müller, plus miser sim, *si scelestum faxim.*

Fr. Cramer *de perf. conj. usu pot.* p. 12. hic recensendum opinatur etiam locum ex legibus XII tabb: *si nox furtum factum sit, si im occisit,* jure caesus esto.

Jure, quod *factum sit* conjunctivus sit, etiam *occisit* conjunctivum dicit; attamen in quinta editione *Fontium Bruns* habet p. 31 *faxit*, quod quid sit non statim discerni potest. Fortasse multae formae sigmaticae in legibus, cum apud scriptores, tum in inscriptionibus servatae, tum a Cicerone fictae, ducendae sunt optativi hypothetici. Quod, mea quidem opinione, veri simillimum est in sententiis relativis quales sunt:

qui malum carmen incantassit, qui fruges excantassit;

Cic. de legg. 2.19. *qui secus faxit;*

ibid. 2.22. *sacrum sacrove commendatum qui clepsit rap-sive, parricida esto.*

Attamen discimen inter meram fictionem, hypothesin („annahme“) et id quod jam pro certo praesumitur („vor-aussetzung“) saepissime tam subtile et ambiguum est, et originalis praeterea *conjunctivi* in condicionibus notio tanto-pere quadrat cum legis praescripti natura, ut, qui originitus fuerunt optativi, abierint in conjunctivos, i. e. in coniunctivos originales, qui tamen Romanis fuerunt indicativi; quod apparet etiam ex posteriore fut. exacti usu.

II. *Conjunctivus originalis.*

§ 7. Nullas invenimus *sententias primarias positivas*, quibus conjunctivus originalis vindicandus est, conjunctivus scilicet, qui etiam in grammatica latina tralaticia conjunctivus habetur.¹⁾)

Sunt tamen quaedam sententiae secundariae, de quibus fortasse melius hic agemus, quod proprius accedunt ad enuntiata primaria quam ceterae sententiae secundariae: constructionem dico, qua *cave* conjungitur cum *conjunctivo* nulla particula addita: *cave dixis* autem plane idem est, quod *cave ne dixis*.

Loquentium sensibus ¹⁾ *dixis* pendebat a *cave*; sed miramur statim qui fieri possit, ut absit particula solita *ne*, qua indicetur aliquid pendere a *cavere*.

¹⁾ Tantummodo sc. quod ad formas sigmaticas.

²⁾ Dico id quod belice dicimus: „voor het taalgevoel.“

Minime enim licet, quod saepius contendunt, interdum in sermone familiari *ne* omitti post *cavere*.

Familiaris enim etiam ille sermo nititur legibus syntaxeos historicae, non minus quam sermo urbanus et elegans. Non igitur obscura quadam et inexplicabili linguae licentia explicare licet omissio illa τοῦ *ne* post *cavere*.

Qua ratione autem *cave dixis* par existimatur τῷ *cave ne dixis*? Conjunctionis, qui est in *cave dixis* originitus est conj. *adhortativus*; quare interpretandum est: zeg het, [maar] pas op: pas op, als gjij het zegt.

Proprius verborum ordo erat: *dixis, cave!* Eodem sensu tamen, sed alia constructione originali, usurpabatur *cave ne dixis*; quibus locutionibus inter se comparatis loquentibus oriebatur quasi licentia particulae *ne* arbitrio suo omittendae vel addendae, in sermone familiari („dans le tour familier” Riemann *Synt. lat.* § 191.)

Eadem ratione explicandae videntur constructiones quales sunt *volo (nolo, malo) hoc facias; licet (oportet, necesse est) hoc facias; sine hoc faciam; fac sciam*, talia.

Sequitur exemplorum enumeratio, quae, quamvis in grammatica latina non sint sententiae primariae, hic tamen suum locum obtinent.

Asin. 256. *cave tu idem faxis, alii quod servi solent.*

ibid. 625. *verbum cave faxis, verbero.*

Mil. 1125. *istuc cave faxis.*

ibid. 1245. *nisi perdere vis istam gloriam quam habes, cave sis faxis.*

ibid. 1372 si honeste censem te facere posse, suadeam;
 Verum non potest: *cave faxis.*

Most. 808. *cave tu ullam flocci faxis mulierem.*

Truc. 943. *cave faxis.* (locus corruptus).

Aulul. 608. tu modo *cave quoiquam indicassis aurum meum esse istic, Fides.*

Asin. 467. verbo *cave supplicassis.*

Bacch. 910. ted opsecro, *Cave parsis in eum dicere.*

ibid. 1188. quod di dant boni, *cave culpa tua amissis*

Cas. 404. *cave objexit manum.*

Merc. 484. non taces? *cave tu istuc deixis.*

Most. 523. *cave respexit, fuge, operi caput.*

Vidul. 83. *cave tu istuc dixis.*

ibid. 91. quam ad redditum te mihi dicis diem, *Cave demutassis.*

Andria. 753. verbum si mihi Unum praeterquam quod te rogo.... *faxis cave.*

ibid. 760. *cave quoquam ex istoc excessis loco.*

Heaut. 187. *cave faxis, non opus est, pater.*

Naevius Corollaria. 46. ed. Ribbeck st, face, *cave* verbum *faxis.*

§ 8. *Conj. originalis in sententiis primariis negativis* (neg. *ne* vel *particula negans*; quater apud Plautum *neque*¹⁾).

Asin. 839. *ne dixis istue.*

Aulul. 744. *ne istuc dixis.*

¹⁾ cf. Kühner. Ausf. Gramm. d. lat. Spr. II. Abth. I. § 48: 3. 4.

Capt. 149. *nunquam* istuc *dixis* neque animum *induxis* tuom.

Mil. 283. *mihi ne dixis*: scire nolo.

ibid. 1007. *hanc nil tu amassis*; *mihi haec despontast*.

Most. 526. *nil me curassis*, inquam; *ego mihi providero*.

ibid. 1097. *ne occupassis*, obsecro, aram¹⁾.

ibid. 4115. *ne faxis*.

Poen. 553. *nos tu ne curassis*; *scimus rem omnem*.

Pseud. 79. *ehu?* id quidem *ne parsis*: *dabo*.

ibid. 232. *nil curassis*: liquido's animo.

Rud. 1028. *neque tu me quoiquam indicassis*.

Stich. 149. *neque ego te celabo, neque tu me celassis* quod scias.

Trin. 627. *sta ilico:* ²⁾ *noli avorsari neque te occultasis* mihi.

Truc. 606. *istuc ne mihi responsis*.

Phormio. 742. *ne me istoc posthac nomine appellassis*.

Ennius. Epigr. 67. ed. Müller. p. 85.

*nemo me dacrumis decoret nec funera fletu
faxit. cur? volito vivo' per ora virum.*

Varro apud Non. p. 476 et 180; in Bücheleri editio-
ne *Petronii* (Weidmann. 1882) p. 193. vers. 304. sed, o
Petrulle, *ne meum taxis libellum*.

¹⁾ *Nou* recensendus est hic versus p. 36.

²⁾ Lucide hic apparet notio originalis: *ilico* = in loco.

Cic. de legg. 2 § 19 separatim *nemo habessit* deos novos neve advenas. ¹⁾

§ 9. *Conj. originalis in sententiis secundariis.*

Ut.

Truc. 348. ita ego illam (sc. pecuniam) cedepol servem itaque parce victitem, *Ut..... nulla faxim* cis dies paucos siet. metuere, vereri ne.

Men. 861. *metuo né quid male faxit* mihi.

Persa. 478. nec *metuo...* nequis mihi in jure *abjurassit.*

Heaut. 179. nil magis *Vereor* quam *ne quid in illum iratus plus faxit* pater.

Cafero ne, cautio mihi est ne.

Aulul. 585. *cave sis tibi,* Ne tu *inmutassis* nomen, si hoc concreduo.

Bacch. 598. mihi *cautiost* Ne nucifrangibula *excussit* ex malis meis.

Poen. 446. nunc mihi *cautiost* Ne meamet culpa meo amori *objexim* moram.

Mil. 333. hic *obsistam ne imprudenti* huc ea se *subrepsit* mihi.

In omnibus hisce sub §§ 7. 8. 9. enumeratis exemplis equidem opinor conjunctivum esse *conjunctivum originalem*, non dico quod ad formam, sed quod ad syntaxin pertinet. Attamen non injuria contendat aliquis in hisce exemplis

¹⁾ Ciceronem: *de Legg.* laudo, quod leges suas fixit ad exemplar legum antiquarum.

etiam *formam* conjunctivi originalis esse servatam. Si enim nostrae formae in—*so—sim* revera sunt conjunctivi et optativi aoristi sigmatici, nihil obstat quominus omnes formas, quae singuntur *in brevi*, quae vero in sermone latino adhuc sunt conjunctivi, existimemus conjunctivos thematicos aor. sigmatici athematici.

Obiter animadvertisendum formam 1^{ae} pers. sing. in—*sim* (Poen. 446. *objexim*; Truc. 348. *faxim*) excipiendam esse.

Illi conjunctivi in unum confluentes cum optativis originalibus, non parum valuerunt ad formas conjunctivi et optativi confundendas, adeo ut in optativo (conj. lat. linguae) *in breve* scribi soleat et in conjunctivo (indie. lat. ling.) non nunquam *in longum* usurpetur, adeoque ut 3^a p. plur. conjunctivi (3^a p. fut. exacti lat. ling.) acceperit suffixum optativi—*int.*

Quod autem ad significationem formarum conjunctivi et optativi, quae Romanis erant conjunctivi, non difficile videtur certa in sententia consistere.

Paucis enim locis exceptis, de quibus mox acturi sumus, quis est, quin belgice, ut eos vertat, utatur forma praesentis, etiam si recte et accurate reddere vult et interpretari formarum vim propriam?

Nemo, qui accuratius consideret *formam etymologicam*, qua „di te servassint” et „di te servent” paria existimari non possint, veri similem habebit interpretationem significacionis formae *servassint* ex notione perfecti logici, nisi forte utatur ambagibus *fortioris illius rationis dicendi* („energie des ausdrucks”) aut *perfecti historici*.

Quocunque modo res se habet, constat *pleraque* exempla, quae enumeravi in hisce §§, in versione belgica praesent modo tempore reddi posse. Id pluribus demonstrare opus non est; nemo enim, etiamsi perneget etymologiam ex aoristi formis ductam, hunc usum solitum esse negaverit.

Attamen jure, quod videtur, Corssen Ausspr. II². p. 566 not. quaedam affert exempla, in quibus conj. perfecti syncopatus indicet actionem perfectam in praesenti, („die vollendung in der gegenwart“) aut in futuro, si est indic. fut. exacti.

Affert autem locos quales sunt:

Asin. 613. mihi certumst ecscere omnia in me eadem,
quae tu in te *faxis*.

Mil. 624. si te quicquam, *quod faxis*, pudet

Liv. 3.64. tum, ut *quos* sibi collegas *cooplassint*, illi legitimi eadem lege tribuni plebei sint.

Asin. 612. quid me facturum putas, *si* istuc quod dicis
faxis?

ibid. 770. *si* quem alium *aspexit*.

ibid. 794. fors *si* tussire *occepshit*.

Mil. 1417. *quid si id non faxis*.

Haec exempla omnia pertinent ad optativum potentiale, semper tam dubium in sententiis relativis et conditionalibus. cf. §§ 5. 6. Dixerit aliquis has formas, si accuratius reddere velis vim syntacticam, belgice vertendas esse: „zal gedaan hebben.“

Illud equidem non nego. Ea tamen de causa haec exempla, quibus plerique vindicant conjunctivum latinum, ma-

lim recenseri sub B, quo contuli omnia exempla, quae praebent *indicativum* latinum, quaeque omnia admittunt versio nem: *zal gedaan hebben;*" de qua significatione mox plura videbimus.

Attamen, his paucissimis exceptis, constat nulla, quae emuneravi exempla, admittere notionem perfectivam.

B. *Formae quas gramm. latina existimat indicativos.*

Conjunctivus originalis.

§ 10. Jam Capite I. memoravi me sequi opinionem Brugmanni, aliorum, formas *in—so* esse conjunctivos originales aoristi, quas antiquiorum auctorum plerique existimabant formas futuri exacti syncopatas.

Lübbert, l. l. p. 81. de discriminis syntacticis formarum *in—ero* et *—so* sic scribit: „[die volleren formen] enthalten gewöhnlich eine *reine zeitangabe*, indem sie die Vollendung der bezeichneten Handlung mit Bezugname auf eine andere Handlung als den Ausgangspunkt, von dem ab diese andere beginnt, bestimmen. z. b. Capt. 434. *Ne tu me ignores, quom extemplo meo e conspectu apscesseris.*” Actio itaque perfecta in futuro („vollendung in der Zukunft.”) i. e. actio aliqua in tempore futuro perfecta singitur, quae simul ac perfecta est, altera incipit actio.

„Die synkopierten Formen haben die rein temporale Bedeutung nur in der 1 pers. sing. (capso, amasso), in allen übrigen Personen dagegen bezeichnen sie noch ein bedingt bevorstehendes sein; sie enthalten noch nicht eine directe Zeitangabe in futuro, sondern drücken das bevorstehende

sein gleichsam mit einem anflug, einer leisen färbung von hypothetischen character aus.” Indicant igitur, non ut formae in—*so* actionem perfectam in futuro *antequam* altera actio incipere possit, sed modo actionem perfectam in futuro, nulla ratione habita temporis quo incipiat altera actio. ¹⁾

Riemann. *synt. lat.* p. 203. scripsit: „*scripsero* marque qu'à un moment donné on *aura fini* de faire l'action” et p. 206. „le futur antérieur *pourra* marquer simplement une action passée par rapport à une proposition principale au futur *scripsero* [peut être considéré ici] comme un aoriste transporté dans l'avenir. [Le grec emploie] en pareil cas le *subj. aoristi* avec *κν.*”

Bene rem tetigit Lübbert: formae in—*so* habent quandam *notionem hypotheticam*, quare obtinent tantum in sententiis *secundariis*, praesertim *condicionalibus*; rarius post *ubi*, *ast* et *relativa*. cf. Lübbert *l. l.* p. 84. Utriusque formae usum perspicimus in loco *Capt. 659*: *pol si* istuc *faxis*, haud sine poena *feceris*.

Paucis hic agendum videtur de futuro exacto *antequam* aggrediar ad exemplorum in—*so* enumerationem. *Futurum exactum originitus carebat notione actionis perfectae*. Haec opinio nititur hypothesi, formas quales *amavero*, *habuero*, *legero*, *fecero*, *totondero*, *finivero* non esse formas originales,

¹⁾ Indicant igitur formae in—*so* non „*eine reine zeit-angabe*” actionis perfectae *ante* alteram, sed tantum quod L. dicit „*seinstufe*”: sc. actionem perfectam esse in futuro.

sed per analogiam factas, et quidem ad analogiam formae
videro et siquam aliam formam originalem credere possimus.

Videro enim est *conjunctivus—e* (*a. i.*) *s—aoristi*.

*u ei d—e (*a, i*) s—> Skt. ávedisham,

ŋðɛ[σ]α, εiðé[σ]ω, εiði[σ]iην.

videro, viderim.

cf. Brugmann. *M. U.* III; *Grdr.* II. p. 1200.

Post indicativos perfecti et aoristi confusos forma illa conjunctivi aoristi transferebatur ad formas tantum perfectivas quales *fecī*, *legī*, *amāvī*, unde in formis *fecero*, *legero*, *amavero* nascebatur notio actionis perfectae; ex conjunctivi natura oriebatur notio futuri; ex orationis contextu apparebat actionem incipere altera perfecta. Inde paulatim natus est futuri exacti usus ille notissimus et notio.

Quae cum animadvertisimus, jam hic paucis explicari potest qua ratione et formae sigmaticae in—so et formae in—ro, quae fuerint aoristi, abierint in perfecta.

In sententiis secundariis, quibus continetur notio notionem primariac antecedens,¹⁾ conjunctivus originitus est *hortativus*; conjunctione indicatur vinculum inter sententiam secundariam et primariam, quo vinculo ex conjunctivo hortativo fit conjunctivus *ejus quod pro certo praesumitur* („voraussetzung), qui est indicativus in lingua latina. Exemplum autem quale *Aulul. 57.* „*si excesseris aut respexis . . . ego te dedam discipulam cruci*”, si quidem recte interpretamur, proprie

¹⁾ Priorische bijzinnen.

vertendum est: „ga weg en zie om, dan zal ik” cet.; deinde „verondersteld gjij gaat weg, en ziet om, dan cet. „indien gjij weggaat en omziet, dan cet.

Attamen in sententiarum ordine et progressionе triа nova cogitata subnascuntur:

- a. actio, quae est in condicione, ante alteram fit;
- b. partim perfecta sit necesse cst, antequam altera incipiat.
- c. actio, quac jam pro certa praesumitur, nondum perfecta est, pendetque ex aliena voluntate; itaque futura est.

Ex hisce tribus, conjuncta notione *τοῦ si*, nascitur sententia: „indien gjij weggeaan zult zijn, en omgezien zult hebben”, dan zal ik cet.; eoque facilius, cum etiam a formis proprie perfectivis fingantur formae in—so, quibus quasi natura ipsa inhaeret notio perfectiva.

Fusius et accuratius de hac re agemus capite V; haec tamen sufficient ad indicandam rationem, qua exempla, quae sequentur, explicata volo.

Nihil attinet, Lübberto auctore, segregare 1^{am} pers. sing. in—so a ceteris formis, quas vocat formas per iota fictas („iota—personen”), quia 1^a pers. sing. paulo modo longius abscessit a notione originali. Quare promiscue exempla enumerabo, excepta tantum forma *faxo*, in sententia primaria.

Amph. 454. nam si me *inritassis*, hodie lumbifragium hinc auferes.

ibid. 673. ni ego illi puteo, *si occepso*, animam omnem intertraxero.

Aul. 57. si excesseris aut *si respexit* ego te dedam discipulam cruci.

Bacch. 712. *si id capso*, geritote amicis vostris aurum coribus.

ibid. 848. nam neque Bellona mi unquam neque Mars creduat *Ni illum exanimalem faxo*.

Capt. 124. nam *si faxis*, te in caveam dabo.

ibid. 575. servos es, liber suisti: et ego me confido fore, Si hujus huc reconciliasso in libertatem filium.

ibid. 695. *si istuc faxis*, haud sine poena feceris.

Cas. 307. *si sors autem decolassit*, gladium faciam culcitam.

ibid. 708. *si effexis* hoc, soleas tibi dabo.

ibid. 825. malo maxumo suo hercle ilico, *ubi tantillum peccassit*

ibid. 1001. *si unquam posthac aut amasso Casinam aut occepso modo*, *si ego unquam adeo posthac tale ad misero*, Nulla causast, quin cet.

ibid. 1019. *qui faxit*, clam uxorem ducet semper scortum.

Epid. 422. quem pistori dabo, *Nisi* hodie prius comparassit mihi quadraginta minas, *Quam*

ibid. 363. uno persuadebit modo, *si illam* Mihi adempsit Orcus.

ibid 441. *si tibi commonstrasso* (quem quaeritas) ecquam abs te inibō gratiam?

ibid. 728. nunquam hodie *nisi* me orasseis, solves.

Men. 113. *si mihi tale post hunc diem Faxis*, faxo

Mil. 163. disperistis, *ni* usque ad mortem male mulcassis.

Most. 212. perii, *ni* ego illam pessumis exemplis *enicasso*.

ibid. 223. divi me faciant quod volunt, *ni* ob istam orationem Te liberasso de meo et *ni* Scapham *enicasso*.

ibid. 228. ego si bonam famam mihi *servasso*, sat ero dives.

Persa. 393. *si* hoc *adcurassis* lepide, dabuntur tibi

ibid. 828. *si* me *inritassis*, Persam adducam denuo.

Poen 288. nunquam edepol mortalis quisquam fiet e me certior *Nisi* ero meo uni *indicasso*.

Rud. 678^o. *si respexit*, scies.

ibid. 731. vos adeo, ubi ego innuero vobis, *ni* ei caput *exoculassitis* virgis circumvinciam.

ibid. 775. maxumo malo suo, Si attigerit *sive occptassit*.

ibid. 811. *nei* istunc istis *invitassitis* periistis ambo.

ibid. 1118. *si praeterhac* Unum verbum *faxis*, ego tibi comminuam caput.

ibid. 1150. *si hercle tantillum peccassis*, nugas egeris.

ibid. 1348. Illaec advorsum *si quid peccasso*, Venus, Veneror te, ut omnes miseri lenones sient.

Stich. 345. *praeterhac si me inritassis*, edepol esuries male.

ibid. 610. *si hercle faxis*, non opinor dices deceptum fore.

ibid. 725. *uter demutassit*, poculo multabitur.

ibid. 727. *si peccassis*, multam hic retinebo ilico.

Fretum. G. & S. vol. VII p. 143. *peribo si non fecero*; *si falso vapulabo*.

Terentii ejusmodi exempla nulla laudata invenio.

Pacuv. 325. ed. Ribbeck. haud sinam quidquam profari, priusquam *accepso*, quod peto.

Attius. 293. ed. Ribbeck. qui, *nisi genitorem ulso*, nullum meis dat finem miseriis. (codd: ullo; Nonius 185. ullo pro ultus fuero. Vossius: ulso).

ibid. 453... nunc si me matrem mansues misericordia *capsit*.

Laberius. 145. ed. Ribbeck. lavite item hillam! cocus *si lumbum adussit*, caedetur flagris.

Ennius. Ann. 386. ed. Müller.

o Tite, si quid ego adjuro curamve *levasso*... ecquid erit praemi?

E legibus regiis:

Fest. p. 6. si quisquam aliuta *faxit*, ipsos Iovi sacer esto.

ibid. p. 178. si hominem fulmen *occisit*, ne supra genua tollito.

ibid. p. 230. si parentem puer verberit, *ast olle plorassit*, puer divis parentum sacer esto.

Lex Silia de ponderibus. *Fest.* p. 246. si quis magistratus adversus hoc *faxit*, *jussitve fieri*....

Leges XII tabb. (Bruns. *Fontes*. ed. 5.)

pag. 22. *uti legassit* super pecunia, ita jus esto.

„ 24. *uti lingua nuncupassit*, ita jus esto. (i. e. uti nominaverit locutusve erit. *Festus*.)

„ 27. viam muniunto; *ni sam delapidassint*, qua volet jumento agito.

„ 28. *qui malum carmen incantassit*. (*Fest.* p. 181. *occentassint* antiqui dicebant quod nunc „convicium fecerint“ dicimus.)

„ 29. *si membrum rupsit*, talio esto.

„ 29. *si injuriam faxit*.

pag. 30. *qui fruges excantassit.*

„ 31. *si nox furtum faxit, si im occisit, jure caesus esto.*

„ 38. *si servus furtum faxit, noxiame noxit.*

Lex agraria. a. 411 aCn.

§ 25. *sei quis faxsit, quotiens faxit, in agri jugra singula L[HS. n. dar]e debeto.*

§ 84. [neive quis quid fax]sit cct.

Lex luci Lucerini (Bruns p. 260.)

Sei quis arvorsu hac faxit, [in] ium quis volet pro ioudicatod n. I manum injectio estod.

Lex Luci Spolettini. (Bruns p. 260.)

Sei quis violasit, Iove bovid piacлом dated; sei quis scies violasit

Macrob. 3.9.11. *haec si ita faxitis tunc quisquis hoc votum faxit, ubi faxit recte factum esto ovibus atris tribus.*

Liv. 1.24. *Si prior defexit publico consilio dolo malo cet.*

ibid. 23.11. *si ita faxitis, Romani, vestrae res meliores erunt.*

ibid. 25.12. *hoc si recte faxitis, gaudebitis semper.*

Cicero de legibus.

2 § 19. *qui secus faxit, deus ipse vindex erit.*

§ 21. *si senatus jussit, deferunto.*

§ 22. *sacrum qui clepsit rapsitve, parricida esto.*

3. § 6. *ni par majorve potestas populusve prohibessit.*

§ 6. *quoi¹⁾ magistratus judicassit inrogassitve per populum multae poenae certatio esto.*

¹⁾ Codd. *cum,*

§ 6. *quod* is, qui bellum geret, *imperassit*, jus ratumque esto.

§ 9. plebes *quos* pro se . . . auxilii ergo decem *creassit*, ei tribuni ejus sunto, *quodque* ei *prohibessint* *quodque* plebem *rogassint*, ratum esto.

§ 10. ast potestas par majorve *prohibessit*, . . .

§ 10. tribunis, *quos* sibi plebes *creassit* . . .

§ 11. de capite civis nisi per maximum comitia datum ollosque, *quos* censores in partibus populi *locassint*, ne ferunto.

§ 11. *quod* quis earum rerum *migrassit*, noxiae poena par esto.

Haec exempla cum perscrutamur, statim animadvertisimus apud Plantum formas ét per—s—ét per—r—fictas eadem notione in una et eadem inveniri sententia; omnibus locis pro formis sigmaticis formas in—so cet. legi posse, quod ad sensum; in legibus formas sigmaticas eundum obtinere locum, quem formas per—r—fictas in monumentis posterioribus.

Concedendum tamen est, quod recte monuit Lübbertus, *omnes* formas in—so cet. (excepto tantum *faxo*) legi in sententiis secundiariis, praecipue condicionalibus.

Nil est quod miremur, posteriores, qui hanc rem tractaverint, hisce rebus adductos esse, ut formas sigmaticas perfecto ascriberent et ex forma quadam perfectiva derivarent, praesertim cum grammatici Latini formas in—so et—sim interpretentur per conjunctivum perfecti et futurum exactum solitos.

Postquam autem viri docti recentiores linguae latinae

vindicarunt *aoristum sigmaticum*, cuius reliquiae exstant in formis nostris sigmaticis et in prototypo conjunctivi perfecti et futuri exacti, mutata est ratio significationis utriusque formae explicandae (cf. Cap. V.); quam rationem jam supra p. 52.53 adumbravi.

Consulto exceperimus formam *faxo* in sententia primaria, cuius apud Plautum inveni 64 exempla, apud Terentium 4. cf. Lübbert. l. l. p. 101. Omnibus illis locis *faxo* habet notionem *futuri primi*, qua re adductus, Madvigius¹⁾ formas in—so existimavit *futura originalia*, formasque in—sim eorum *conjunctivos*.²⁾

¹⁾ Madvig. de formarum quarundam cet.

²⁾ Cf. hujus libri Cap. I. § 2.

CAPUT IV.

De aoristo, conjunctivo, optativo.

§ 1. Obiter tantum et ne quid praetermittamus animadver-tendum est, in quavis forma verbali aestimanda et explicanda, tres praecipue res esse discernendas. Quod longa disputa-tione multisque argumentis allatis non opus est defendere, quia nemo est, qui hac de re dubitare possit.

a. *qualitas, genus*, ut ita dicam, *actionis*, („*aktionsart*“) qua ante oculos nobis proponitur actio aut *progrediens*, aut *ad finem progressa, perfecta*, aut *mera actio*, nulla progressionis ratione habita.

Illae notiones inhaerent *radici temporis*, quam dicimus, formae verbalis („*tempusstam*“). Non recte dividimus radices *praesentis*, *futuri*, *aoristi*, *perfecti*; rectius dis-cernemus radicem *actionis imperfectae*, *actionis perfectae*, et, ut utar nomine solito, *actionis aoristicae*. Radix *futuri* proprie non est quam diximus radicem *temporis*; nihil enim indicat *futurum* de qualitate, de genere *actionis*, significat tantum *actionem fore aliquo tempore futuro*. Non ab omni enim radice verbalis *actiones* et *progrediens* et *perfecta* et *aoristica simul fingi* possunt, quia aliae tantum habent notionem *actionis progradientis*, aliae *perfectae*, aliae *aoristicae*. (Unde expli-

catur quare e. g. praesens ὁράω habeat aoristum εἶδον.) Omne tamen genus actionis tempore futuro cogitari potest.

b. *tempus quo fiat actio ex mente ejus qui loquitur*, („zeitstufe”), sive praesens, sive praeteritum, sive futurum, quod indicatur particulis additiciis, neque inhaeret radicibus temporum, de quibus diximus sub a. Ubi tempus alicujus actionis non jungitur cum tempore quo quis loquitur, sed cum tempore alterius actionis, ea dicitur relativa temporis indicatio („relatieve tijdsbepaling”).

c. *status et conditio mentis*¹⁾ *ejus qui loquitur, ratio sc. qua percipit enuntiatum aliquod*; aut enim immediate et tamquam res realis aliquid percipitur, aut mediate et non tamquam res realis cogitatur, ubi res *optatur, in voluntate est, vel jubetur*; haec discrimina indicantur modis.

§ 2. Ut autem recte intellegamus quid originitus significant *conjunctivus* et *optativus aoristi*, primum investiganda est radicis aoristi *nolio primitiva*. Quae notio medium quasi locum teneat necesse est inter notiones actionis progradientis et perfectae. Valde arrideat notio actionis *ingredientis* („eintretende handlung”), qua accepta pulcherrima oriatur series: 1. *actio ingrediens*, 2. a. *progradientis*, 3. a. *perfecta*. Neque id aoristi usu vulgari non nititur. Nihilo minus haec recta aoristi definitio non est, quippe qua non omnes aoristi functiones explicitur.

Delbrück. S. F. IV. p. 102. scripsit: „der aorist be-

¹⁾ ψυχικὴ διάθεση quam dixit Brugmann. Handb. II. § 164.

zeichnet die *effectuierung* der handlung." qua formula satis vaga et ambigua tamen naturam aoristi parum intellegimus. In lingua, quam novimus, aoristus praecipue usurpatur ad actionem indicandam *per se et in se ipsa absolutam*¹⁾, nulla progressionis ratione habita: factum quoddam memoratur, quod indicativo tantum, neque alio aoristi modo, transfertur in tempus praeteritum.

Juxta hanc notionem exstat *ingressivus*, quem dixit Curtius, aoristus, qui significat *initium actionis*, oppositum actionis *progressioni*, quae deinde sequitur; neenon aoristus *effectivus*, quo indicatur *initium actionis*, oppositum *præparationi*, quae antecedit:

$\delta\alpha\mu\eta\tau\sigma\alpha\iota$ = in tranen uitbarsten. (ingressive); $\pi\varepsilon\sigma\epsilon\tilde{\iota}\nu$ = na het vallen, $\pi\iota\pi\tau\epsilon\iota\nu$, op den grond terecht komen. (effective); $\beta\alpha\lambda\epsilon\tilde{\iota}\nu \beta\acute{\epsilon}\lambda\oslash\sigma$ (ingressive) et $\beta\alpha\lambda\epsilon\tilde{\iota}\nu \alpha\nu\delta\varrho\alpha$ (effective).

cf. Delbrück. l. l. p. 101. Brugmann. Handb. II. p. 184.

Uterque quaerit, qui variae aoristi functiones explicandae sint, utrum ex una notione primitiva, an, quod verius fortasse, ex variis aoristi diversarum formarum functionibus, ita ut e. g. aoristus sigmaticus significarit actionem ingressivam, aoristus thematicus actionem effectivam²⁾.

Quam rem dijudicare difficillimum est; nisi forsitan quis recte formula comprehendere possit notionem primitivam radicum verbalium, quae singunt aoristum et deinde discernat

¹⁾ Op zich zelf staande en in zich zelf afgesloten handeling.

²⁾ Minime dictum volo ita se rem habere. Hisce aoristis tantum pro *exemplo* utor.

existetne quaedam relatio inter diversa notionum primitivarum genera et diversas aoristi formas. Qua in re praeterea sedulo segregandi sunt aoristi, si qui nati sunt ex analogia, sive propter formae, sive propter significationis similitudine aliorum verborum, sive ut alicujus radicis, cui originitus non erat aoristus, procedenti lingua praeter actionem imperfectam et perfectam distinguerent actionem quandam aoristicam.

Interim quaerenda est communis quacdam notio, quae omnes aoristi functiones comprehendat, et quam existimemus *notionem principalem historicam*; progrediente enim lingua *omnes* aoristi in unum corpus coaluerunt syntacticum.

Quare nobis opus est formula, quae non artioribus finibus comprehenditur. Itaque optime fortasse dicemus aoristum significare actionem absolutam, i. e. actionem *quodam momento per se et in se ipsa absolutam*, omissa omni progressionis vel peractionis notione. Id quadrat cum principali, quem supra memoravimus, aoristi usu, cumque usu ingressivo et effectivo, quia actio absoluta esse potest initium aut finis actionis imperfectae. cf. R. Kohlmann. *Über das Verhältniss der tempora des lat. verb. zu denen des griech.* Hacc aoristi notio in indicativo *augmento* transfertur in tempus praeteritum; *radici* aoristi nulla praeteriti inhaeret notio.

§ 3. Restat ut definiamus significationem *conjunctivi* et *optativi* originalem, quae non mutatur genere actionis („*aktionsart*“).

Duobus modis originitus fингitur conjunctivus; indicati-

vorum athematicorum per —ē—et—ō—; thematicorum per —ā—ē(—ō—). cf. Brugmann *Handb.* II. § 142; *Grdr.* II. p. 1279. Lindsay p. 511.

✓ es. *es—ē—t(i). Skt. as—at(i). Av. anh—ati, anh—at.¹⁾ Lat. erit. cf. Ep. βῆσομεν, τείσετε.

✓ bher. *bher—ā(e)—t(i). Skt. bhar—āt(i). Av. bar—āti, bar—āt. Gr. φέρωμεν, φέρητε. Lat. fer—āt, fer—āt. O.I. berid< *ber—āti, bera< *ber—āt.

✓ gen. Gr. γιγνηται. Lat. gign—āt, gign—āt. M. I. gignid< *gi—gen—āti.

Jam Indogermanice, ut ita dicam, ab indicativis athematicis singuntur etiam conjunctivi per—ā—ē(—ō—).

✓ ed. Skt. ad—ām. Gr. ἔδωμεν. Lat. ed—āmus.

✓ i Skr. ay—ās. Lat. eās.

Rogat Brugmann liceatne utriusque formae unam eandemque ascribere notionem primitivam, praesertim cum forma per—ē—ō—ficta in lingua latina tantum habeat notionem futuri, necnon in lingua graeca έδοματι, πιόματι, χέω eandem retinuerint significationem. Huic quaestioni non nisi dubitanter responderi potest; omnes enim conjunctivi functiones ab una primitiva, quominus derivemus, nihil obstat.

Notio autem primitiva conjunctivi videtur esse *voluntas ejus qui loquitur*, qui velit aliquam actionem a se aut ab altero fieri, *suaeque voluntatis jam pro certo praesumat effectum.*²⁾

¹⁾ Utor transscriptione qua usus est Justi, quia recentius transcriptionis signum (Brugmann, Jackson) inter typos non praesto erat.

²⁾ Begeerte met uitzicht op vervulling.

Cf. Delbrück. S. F. I; Brugmann. Handb. II. §

165. Multae ex hac primitiva notione et principali ortae sunt conjunctivi functiones secundariae.

a. *Notio proprie voluntativa.* (neg. ne).

Od. 6. 126. *αλλ ἀγ', εγὼν αὐτὸς πειρησομαι ηδὲ Φίδωμας.*

Cic. Verr. I. 9. 24. nunc, ne novo querimoniae genere uti possit Hortensius . . . morem illi *geram: utar* oratione perpetua . . . (ik wil hem ter wille zijn en gebruik maken). Videntur mihi formae *geram* et *utar* conjunctivi potius existimandae quam futura.

b. *Conjunctivus voluntativus* in 1^a pers. plur. fit *adhortativus*.

e. g. Cic. Sest. 68. 143 *amemus* patriam, *pareamus* senati, *consulamus* bonis, praesentes fructus *neglegamus*, posteritatis gloriae *serviamus*.

Usus adhortativus 1^a pers. plur. non circumscriptus est, sed inde originem sumpsisse videtur. (cf. Skt. *bharāni*, 1^a pers. sing. imperativi, quod non nisi per usum adhortativum imperativo attribui potuit.)

Conjunctivum adhortativum fortiore sensu in 2^a et 3^a personis dicere possumus *jussivum*. cf. Cic. Off. 1. 31. 114 suum quisque *noscat ingenium*.

Negatione ne addita oritur conjunctivus in sententiis negativis, quibus inest notio *horlandi*, *velandi*, *monendi*, *timendi*: *ne eamus*, *ne dixis*, *cave ne dixis*, ¹⁾ *timeo ne veniat*. ¹⁾

¹⁾ Obiter animadverto has sententias, quae in grammatica tralaticia sint secundariae, ortas esse ex sententiis primariis: *ne dixis!* *cave;* *ne veniat!* *timeo.*

c. Si quis dubitat de sua voluntate, vel si dubitat an possit voluntatem ad effectum dare, utitur conjunctivo *deliberativo* vel *dubilativo*. (neg. non). e. g. Cic. Archia. 8. 18. hunc ego non *diligam*, non *admirer*, non omni ratione defendendum *putem*?

d. Voluntas ejus qui loquitur, si non oritur ex libera ejus mente, sed ex alterius voluntate vel ex alia re extranea, e conjunctivo hortativo fit *concessivus*. e. g. Cic. Off. 3. 43. 54. *vendat* aedes vir bonus propter aliqua vitia, quae ipse norit, ceteri ignorent; pestilentes *sint* et *habeantur* salubres; *ignoretur* in omnibus cubiculis apparere serpentes; male materiatae *sint*, ruinosa, sed hoc praeter dominum nemo *sciat*. Horat. Ep. 1. 10. 24. naturam furca *expellas*: tamen usque recurret.

e. Quodsi quis quid sibi in voluntate esse significat, et constat fere, id effectum habiturum, conjunctivus abit fere in *futurum*; quem usum jam Indogermanicum existimare licet.

e. g. Il. I. 262. οὐ γάρ πω τοῖονς Ἄιδον ἄνερας οὐδὲ Φίδωμα τοῖον Πειρίθοον τε Δρυαντά τε cet.

In lingua latina tantopere frequentatus est hic conjunctivi usus, ut formae *legam—es*, *audiam—es*, *ero*, factae sint futura solita, locumque obtinuerint futuri originalis. Non difficile est intellectu, quomodo id fieri potuerit. Notio enim futuri in—*sio*— originalis, est *voluntativa*, ubi vero voluntas spectat id, quod creditur *certo aliquando futurum esse*, futurum significabit *consilium*, *timorem*, *spem* et

sensu minus forti *tempus modo futurum*. Vidimus autem conjunctivum indicare voluntatem spectantem id, quod *pro certo praesumatur*, futurum contra id, *quod certo constat aliquando fore*.

Proxime ergo inter se hae notiones accedunt; nisi quod qui conjunctivo loquitur minus certo scit, eventurum esse id, quod velit. Linguae modo Aricae et Balto-Slavicae certas habent reliquias futuri in—*sio*. Quod ad graecum δειξω, non constat sitne futurum originale, δειξ—σιο—, an conjunctivus thematicus, δειξ—σο—, aoristi athematici, δειξ—σ—, an fortasse forma miscellanea ex utraque nata.

Lingua etiam Celtica per omnes futuri formas ostendit transitum conjunctivi in futurum.

Quae enim dicuntur linguae hibernicae *futurum reduplicatum* et s. *futurum*, nihil videntur nisi conjunctivi, cuius notionem etiam saepissime ostendunt.

1^a p. pl. for—cechnam <*—ce—cán—ā—m—
do—bēram <*—bé—br—ā—m—
for—tiasam <*—steic—s—ā—m—

Etiam b. (f) *futurum* existimare possimus conjunctivum, quamquam fortasse, quia est forma recentius facta („neubildung“) analogiam sequitur futuri reduplicati et sigmatici.

no charfam <*cara—(bhū?) —ā—m—

§ 4. Aequo ac conjunctivus etiam *optativus* natus est ex duobus formis originalibus.

Indicativi athematici optativus singitur per —iē—iiē— (in sing.), —ī— ii— (in dual. et plural.)

✓ es. *s—iē—, *s—iiē— Skt. s—yās, s—iyās. Av. h—yaə̄— = *s—iē—s. Lat. siēs. Gr. ε[σ]ιης.

*s—i— *s—ii— Skt. s—yur, s—iyur. Lat. simus, sient. Gr. ειμεν < *εσ—i—μεν.

Indicativorum thematicorum singitur optativus per —oi— (—oi— = vocalis thematica addito —i—?)

✓ bher. *bher —oi—s. Skt. bharēs. Av. barōiš. Gr. φέρως. Got. baíráis.

In lingua latina nullae supersunt optativi formae per —oi— factae. cf. Lindsay p. 513. s. f.

Notio primitiva optativi non magis quam conjunctivi derivari potest ab etymologia. Ex diversis functionibus, quantum potest accuratissime definitis, conjicienda est notio primitiva.

Delbrück. S. F. I. hanc contendit notionem primitivam esse *optionem*, de qua possitne ad effectum dari necne nihil praesumitur. Idem ab hac significatione principali derivat usum *potentialem*, qui aeque originitus optativo ascribendus videtur. Brugmann contra Handb. II. p. 191, rectius fortasse, dijudicare non vult, qua relatione historica inter se conjuncti sint usus optativus et usus potentialis, aeque originales; a. v. quae fuerit notio omnium primitiva, non liquet.

Optativus in sententiis negativis, eodem modo quo conjunctivus, duobus utitur negationibus; verus optativus sc. conjungitur cum ne (*un*), potentialis contra cum non (*ov*).

a. Optativus *optativus*, ut ita dicam. („wenschende optativus“). e. g. Il. 18. 98. *αὐτίκα τεθραίην*. Plaut. *passim*: *di te servassint*. Optativus, in forma conjunctivi: Cic. Milo. 34. 93. *valeant cives mei, valeant*.

Conjungitur etiam particulis optativis *ut, utinam, si*.

b. Inde oritur optativus in *obsecrationibus et precibus*. e. g. Ennius *Medea exul* frg. 22. p. 118. ed. Müller: *Juppiter . . . prius quam fiat, prohibesseis scelus!*

c. Si quis optat, non sua sponte, sed alterius optatione coactus vel certe commotus, optativus fit *concessivus*.¹⁾ e. g. Od. 8. 340. sq.

*δεσμοὶ μὲν τοῖς τόσοις ἀπείρονες ἀμφὶς ἔχοιεν,
ὑμεῖς δ' εἰσοράοιτε θεοὺς πᾶσαι τε θέανται,
αὐτὰρ ἐγὼν εὑδοιμι παρὰ χρυσέῃ Ἀφροδίτῃ.*

Vere concessivus est *εἰσοράοιτε*, vereque optativus *εὑδοιμι*. *Ἐχοιεν* autem non vere concessive, sed alia jam quadam notione usurpatum, propiusque accedit ad *hypotheticum*, qui concessivo proximus est, sed in sententiis tantum negativis certo distingui potest, negatione sc. *non (οὐ)*. Nascitur enim hypotheticus ex potentiali. cf. infra sub e.

In sententiis negativis praeter has functiones nulla alia exstat.

¹⁾ Cf. rationem qua derivandum censuimus conjunctivum concessivum. p. 66.

d. Altera autem notio principalis est *potentialis*. (neg. non, ov.)

e. g. in locutionibus quae saepissime usurpantur: *dicat*, *dixerit* quispiam. λέγοι, εἰπαί τις ἄν: „iemand zou kunnen zeggen.” Ovid. Met. 6. 193. sum felix! quis enim neget hoc; felixque manebo. Hoc quoque quis *dubitet*?

Inde oriuntur optativi, quibus quis utitur in voluntate minus fortiter enuntianda, in modesta aliqua re contendenda, ubi optando aliqua res indicatur, quam effectum iri sere constat. Quo certior optationis effectus, eo propius optatus accedit ad *futurum*.

e. In quodam rerum statu singendo usurpatur *hypotheticus*. cf. sub c.

Non est quod miremur, conjunctivum et optativum inter se tam contiguos factos esse, ut promiscue usurpentur, donec in lingua latina in unum coaluerint conjunctivum. Etenim quo certius et facilius id, quod optatur, effici potest, eo citius ex optatione fit voluntas, eoque citius notio potentialis abit in consilium, in futurum. In sententiis hortativis et precativis, concessivis et hypotheticalis, in sententiis in quibus ét conjunctivus ét optativus accedunt ad notionem futuri, in omnibus derique hisce constructionibus tam tenuia et subtilia sunt conjunctivi et optativi discrimina, ut saepissime dijudicare non possimus sitne conjunctivus latinus conjunctivus an optativus originalis.

Paucissimis agendum est de optativi orationis obliquae notione praeteritali in lingua graeca. Quae notio non in hac ret

optativo, sed nascitur ex sententiarum contextu, in sententiis primariis praecedente tempore historico.

Ex eo jam, quod apud Homerum non invenimus hunc usum optativi, colligi potest eum recentius esse ortum. (excipliendus modo Odyss. 19. vs. 463). Optativus, qui tali modo usurpatur originitus est potentialis. In contextu autem sententiarum in lingua posteriore sententia optativo modo enunciata, quae originitus erat primaria paratactica, transit in sententiam secundariam hypotacticam, unde videtur indicativus orationis directae transire quasi in optativum in oratione indirecta.

Simili ratione explicandi sunt conjunctivus et optativus in ceteris sententiis secundariis, sive relativis, sive a conjunctione pendentibus. Non enim, quod vulgo dicitur, relativa vel conjunctiones *regunt* modos. Modi autem eandem vim habent in sententiis secundariis atque in sententiis primariis; relativis et conjunctionibus exprimitur tantum relatio inter duas sententias.

§ 5. Quam autem significationem habeant *conjunctivus* et *optativus aoristi* jam non opus est ut fusius explicemus; facile enim derivatur ab omnibus quae sub §§ 2. 3. 4 disseruimus.

Exempla autem formarum *in-so-sim*, quae contuli Cap. III, cum accurate interpretamur, lucide apparebit, omnes earum formarum functiones facilime explicari ex aoristi notione, additis, quas conjunctivo et optativo vindicavimus, notionibus. Cum praeterea evidens videatur ety-

mologia aoristi formarum *in—so—sim*, facile caremus hypothesis originis perfectivae.

Cap. III. §§ 1. 2. 3 collegi omnia exempla, quibus verum optativum originalem vindicandum censeo. Quae cum interpretanda examinamus, statim agnoscimus nullam omnino adesse notionem *praeteriti* vel *perfecti*.

Omnibus enim locis is, qui loquitur, optat, cupit modo *quandam actionem fieri* nihilque addit neque de tempore neque de qualitate et genere actionis. cf. § 1. a. b. p. 60.

Contenderit quispiam e. g. apud Plautum eodem usu et sensu quo formas *in—sim* legi conjunctivum *praesentis*. Non nego, nec tamen in ea re quicquam inest argumenti contra formas sigmáticas. Contendamus tantum licet, *praesens*, quod est tempus actionis imperfectae, saepissime prope accedere ad notionem aoristi, actionis absolutae. Neque in ea re est quod miremur. Aoristus enim cum evanesceret, ejus in modis subjectivis functiones potissimum transierunt in *praesens*. Inde nobis, qui amisimus notionem aoristi, saepe difficultum est dijudicare verum notionis discrimen inter dicta qualia: „di te amassint” et „di te ament.” Attamen compares velim *di te servassint* cum eo, quod legimus Asin. 654. *Juppiter te mihi servet*. Utroque loco nos vertimus *moge(n)—bewaren*; nemo tamen negabit quoddam exstare discrimen qualitatis actionis („*aktionsart*”) inter formas *servassint* et *servent*.

Quanquam nemo est, qui revera contendat in hisce veris optativis adesse notionem *perfecti*; atque ego quidem opinor,

si tantum superessent exempla de quibus egimus, neminem unquam formas significativas perfecto ascripturum fuisse ¹⁾.

Sequitur in exemplorum serie *potentialis*, cuius praeципue frequenter leguntur formae *faxim* et *ausim*. Neque hae formae, neque ceterae, quae eadem ratione adhibentur: *negassim*, *empsim*, *transaxim*, *cohibessit*, *optassis*, quicquam indicant nisi notionem potentialiem *actionis absolutae*. In lingua graeca formae /non/ *faxim* nihil respondebit nisi (*οὐκ*) *ἄντι ποιησαίμενος*. Non magis quam ex veris optativis, ex hisce potentialibus explicare possumus nostrarum formarum et perfecti cognationem.

Attamen, quod supra dixi p. 49, *hypotheticus* in sententiis condicionalibus obstarere videtur notioni aoristi agnoscendae, cum in quibusdam exemplis p. 40 laudatis, inepta ista futuri exacti notio solita vera et justa esse videatur. Quare potius ea exempla recensenda putavi sub conjunctivo originali, qui in lingua latina indicativus factus est et deinde ratione secundaria iterum conjunctivus sieri potest.

Ut omittam exempla quae minus certa sunt, procul dubio praebent conjunctivum latinum, i. e. optativum hypotheticum originalem, ea, quae sequuntur.

Aulul. 228.

Nunc si filiam locassim meam tibi, in mentem venit Te

¹⁾ Obiter comparemus inter se locutiones latinas: *di te ament.* (optat.) et *di te amabunt* (fut.) atque belgicas: *God beware me.* (optat.) et *God zal me liefhebben.* (fut.)

bovem esse et me esse asellum: . . . „gesteld dat ik mijn dochter uithuw” cet.

Capt. 712.

Nam cogitato, si quis hoc gnato tuo Tuos servos *faxit*, qualem haberet gratiam? „gesteld dat een uwer slaven dit uw' zoon aandeet” cet.

Poen. 1208.

AN. Nimiae voluptatist quod in extis nostris portentumst, soror, Quodque haruspex de ambabus dixit — AG. Velim de me aliquid dixerit. AN. Nos fore invito domino nostro diebus paucis liberas. Id ego, nisi quid dei aut parentes *faxint*, qui sperem hauscio. „als niet het geval wjl dat de goden of onze ouders wat doen” cet.

Cf. Amph. 69. ed. Ritschl; Asin. 603, 612, 770, 794; Cerc. 380; Men. 416; Mil. 1417; Poen. 27, 428; Pseud. 533, 939^b, 1022; Rud. 304, 1345 Truc. 60. De hisce locis judicare nolo, quia parum certi sunt parumque ad rem attinent. Siquis malit, illos recenseat sub indicativo latino et de significatione videat Caput V. 1)

In uno tantum horum locorum e forma etiam constat esse conjunctivum sc. Aulul. 228. Hoc loco si conjunctivus (i. e. optativus) non pendet ab acc. c. inf., quod equidem opinor, vertere possumus: „gesteld dat ik mijn dochter *heb uitgehuwd*;” qua tamen ratione ut vertamus, nulla re cogimur,

¹⁾ Exemplum graecum opt. hypothetici sit Iliad. XIX. 321. 322.

.... οὐ μὲν γάρ τι πακάτεσον ἄλλο πάθοιμι,
οὐδέ εἰ παῖς τοῦ πατρὸς ἀποφθιμένοι πανθοίμην.

nisi opinione quadam praejudicata. Immo melius et magis secundum mentis normas vertemus: „gesteld dat ik mijn dochter *uithuw* (aoristus), dan komt het mij in den zin . . .” cet. Sin autem conjunctivus pendet ab acc. c. inf., *locassim* est oratio indirecta pro eo quod oratione directa foret: *si filiam meam tibi locasso, tu eris bos et ego ero asellus.* Hoc si verum est, notio formae *locassim*, quae videtur perfectiva non imputanda est ipsi formae, sed formae *locasso*.

Simili ratione explicanda sunt cetera hypothetici exempla.

Neque magis quam ex veris optativis et potentialibus, ex hisce hypotheticis unquam nasci potuisset opinio de origine perfectiva, nisi exstarent formae in —so.

Sequuntur exempla conjunctivi ab originali conjunctivo derivandi. Fortasse aliquis in quibusdam sententiis negativis potius agnoscat optativum originale; nemo tamen negabit in nullo horum exemplorum formam sigmaticam quandam habere notionem perfecti; immo qui integre judicat facilius e notione aoristi locutiones qualcs sunt: *cave dixis, ne dixis, metuo ne faxit, cave ne dixis* interpretabitur. Ne ex hisce quidem formis explicari potest origo perfectiva.

Objiciat mihi aliquis, quamvis haec vera sint de vi syntactica, formas tamen in—sim artissime se adjungere perfecto in—*si* et inde jam nasci opinionem de origine perfectiva. Attamen paucissimae tantum nituntur perfecto in—*si*. Quare, quod saepius contendit, formae in—sim et notionem et etymologiam, quae plerumque eis ascribuntur, perfectivas sumpserunt de formis in—so.

Superest ut et his abrogemus notionem perfecti easque explicemus origine et notione aoristi. Jam supra, prius quam exempla enumerarem, paucis egi de ratione qua illas formas explicatas volo. Artius autem conjuncta est quaestio de significatione futuri exacti *in-ro*, quam ut hoc capitem tractare possimus. Qua de causa Capite V acturi sumus de vi syntactica formarum *in-so* et formarum futuri exacti et conj. perfecti per-*r-* fictarum.

CAPUT V.

De vi syntactica formarum in—so et formarum futuri exacti et conj. perfecti per—r—fictarum.

§ 1. Capite IV vidimus facillime omnes, vel certe plerasque formas, quae in lingua latina habeantur conjunctivi, in—sim cet., explicari ex *aoristi* notione, neque esse, cur ex hisce tantum formis, unquam extiterit opinio de origine perfectiva. Formae tamen in—so, quae sunt indicativi latini, nostram oppugnare videntur interpretationem, cum prorsus eodem sensu et usu inveniantur quo futurum exactum solitum. Supra autem, p. 52, paucissimis verbis jam adumbravi explicandi rationem, qua adhibita etiam futuri exacti significationem sine ulla difficultate derivare possimus ab *aoristi* notione originali.

Contrarie itaque ei, quod vulgo fit, minime ex similitudine syntactica formarum in—so et futuri exacti, quod, a perfecto derivatum, cum eo artissime conjunctum videtur, etiam formis sigmaticis indicativis, et inde conjunctivis, vindicatur notio perfectiva, sed quod conjunctivi in—sim nituntur *etymologia aoristica*, cisque inesse videtur notio *aoristi*, indicativorum

in—so etiam usus ex quadam notione aoristica explicandus est.

Quae cum ita sint, facere non possumus, quin parem vim syntacticam formarum *in—so—sim* et *in—ero—erim*, praecipue autem futuri exacti, explicemus ex notione quadam originali formarum *in—ro—rim*, quae aut prorsus evanuit, aut, quod rectius fortasse, latet adhuc in quibusdam constructionibus, ubi ratione adhibita eam recognoscere licet.

Quare hoc praemittendum censeo: *neque conjunctivo perfecti, neque futuro exacto originitus inerat notio perfectiva.*

Nec difficile est enumerare aliquot perf. conjunctivi soliti exempla, ubi eodem usu et sensu tempus illud adhibetur, quo formae *in—sim*.

Cic. Phil. 12. 6. 14. quod dei omen averterint.

Bacchid. 334. mihi dederit velim.

Casin. 396. deos quaeso, *ut* tua sors ex sitella effugerit.

Epid. 258. si aequom siet me plus sapere quam vos, dederim vobis consilium.

Capt. 599. quid si hunc comprehendi jussерim.

Saepissime legitur: *dixerit quispiam.*

Amph. 608. cave responderis.

Asin. 374. cavebis ne commutaveris.

Non necesse videtur enumerare exempla generis dicendi, quo per *ne c. conj. perf.* indicetur imperativus negativus.

Quod ad futurum exactum, perlegas velim exempla sub Cap. III. B. adlata, ubi invenies formas *per—r—et—s—* factas adhiberi eodem usu in eadem sententia; et satis erit investigare usum futuri exacti apud quemvis auctorem, ut tibi

persuadeas formarum sigmaticarum usum Plautinum reliquis scriptoribus prorsus parem esse.

Quam rem explicare non possumus nisi nitimur hypothesi, perfecti latini indicativum continere et *perfecti* originalis et *aoristi* originalis indicativum; perfecta ergo in—*si* aliasque perfecti formas existimandas esse aoristos originales sive sigmaticos, sive reduplicatos, sive non—reduplicatos.

Quae ubi pro vero accipimus, statim nos offendet, conjunctivum perfecti et futurum exactum non nisi difficilime existimari posse *formam integrum et individuam*.¹⁾ Fortasse cogitabit aliquis de forma recentius facta²⁾, linguae latinae propria, quae exstiterit post perfectum et aoristum confusa. Quod verum esse posset, si licet in nostris formis agnoscere compositionem radicis perfecti cum formis *v* es. Id vero jam ab initio repudiandum videtur. Talem enim compositionem agnoscere vix licet in formis, quae oriundae sunt ex *historica* fere, quam nos novimus linguae aetate, quia repugnat linguae naturae. At si sint formae *prae-historicae* non magis veri simile videtur, radicem es in compositione eandem servasse formam, quam habeat in verbo simplici. Haec autem compositionis opinio ex externa tantum similitudine formarum, quae huc pertinent, verbi esse, nata est.

Pari laborat difficultate opinio, prototypum nostrarum formarum originitus ascribendum esse *perfecto*, unde post confusionem transierit in aoristum.

¹⁾ Id dico, quod germanice vocant „einheitliche bildung”.

²⁾ „Neubildung”.

Syllaba enim —er— (*fec—er—o*), quod scimus, nulla ratione in quadam perfecti forma explicari potest, nisi compositione ista parum probabili cum ✓ es.

Tertia igitur, quae restat, opinio examinanda est. Prototypus formarum in—*ro—rim* quaedam est forma originalis *aoristi*, unde prolapsa est per totum perfectum latinum. Eam opinionem cum sequimur, nullam habet difficultatem syllaba —er—, quippe quae facile derivetur a syllaba —*ɛ/o, i/s*—, qua scimus quasdam aoristi formas fingi.

In forma autem primitiva quaerenda statim praetermittendae sunt formae, a formis haud dubie perfectivis derivatae, quales sunt *tutudi, dedi*, praeterea omnes in—*vi* et—*ui*. Acque excipienda mihi videntur perfecta in—*si* (—*s* aoristi) et perfecta, qualia sunt *fuit, scidit, fidit, tetigit, cecidit*, cet. quae fortasse sunt aoristi. cf. Brugmann. *Grdr.* II. p. 1235. Veri simile enim videtur unamquamque radicem, quae aoristum ex se creare possit, unum modo originitus finxisse aoristum.

Potius ergo quaerenda est forma aoristi originalis, quae in loquentium sententiis artissime conjuncta erat cum quodam perfecti indicativo, unde se extendere poterat per omnia perfecta. Illam formam originalem perf. conjunctivi et futuri exacti prototypum, invenisse sibi videtur Brugmann. *M. U.* III. p. 16. sq. in formis *viderim* et *videro*, quas comparat cum graccis ηδη, ειδω, ειδειην, nisi quod graecarum formarum forma originalis est—*ɛs*—aoristus, latinarum autem—*is*—aoristus. (Skt.—*əs*—vel—*is*—). cf. *Handb.* II. p. 168; *Grdr.* II. §§ 836. 841.

indicativus: *e—ueid— $\ddot{\epsilon}$ (ə. i) s—m. Skt. avēdisham; Gr. $\eta\delta\eta$ < *Fειδ—εσ—α; Lat. vid—is—[ti], vid—er—[am].

conjunctivus: ueid— $\ddot{\epsilon}$ (ə. i) s— $\ddot{\epsilon}$ ($\ddot{\delta}$)—Skt. vēdīshāni (forma prim. *vēdīshā), vēdīshās, vēdīshāt; Gr. εἰδῶ< *Fειδ—εσ—ω (in ceteris personis hic conj. transiit in conjunctivum indicativorum thematicorum per—ē—ō—fictum); Lat. videro < *ueid—is—ō, videris.

optativus: *ueid— $\ddot{\epsilon}$ (ə. i.) s—iē (i)—m. Skt. *vēdīshyām; Gr. εἰδείην< *Fειδ—εσ—ιη—ν, εἰδειμεν< *Fειδ—εσ—ι—μεν; Lat. viderim < *ueid—is—iē—m. (—iē— abiit in —i— analogia pluralis), viderimus < *ueid—is—i—mus. (plerumque i ex conjunctivo translatum pro i.)

Comparandae sunt autem formae ν i.

Forma $\eta\alpha$, cuius probabiliorem fuisse formam contendit Brugmann *Grdr.* II. p. 1194. $\eta\varepsilon\alpha$ vel adeo $\eta\varepsilon\alpha$, loco $\eta\iota\alpha$, quod est traditum, derivanda creditur a forma *ε—ει—εσ—α.

indicativus: *e—ei—es—m. Skt. aor. med. āy—ish—ta. Lat. i—is—[tis].

conjunctivus: *ei—iſ— $\ddot{\epsilon}$ ($\ddot{\delta}$)—Lat. iero.

Umbr. eest. < *ei—es— et(i) = ibit.

optativus: *ei—iſ—iē—m> ierim.

Itaque, ut in lingua graeca $\eta\delta\eta$ erat prototypus posterioris plusquamperfecti, ita in lingua latina formae videro, viderim, iero, ierim, sunt fundamentum quo nituntur futurum exactum et conjunctivus perfecti. Quae formae facillime coniungebantur cum indicativis vidi et $\ddot{\nu}$. (antiquitus $\ddot{\nu}$. Skt. *iy—ē, iy—ur. < *ii—ai.) Obiter animadver-

tendum inde explicari, quare perfectum verbi *ire* plerumque careat littera *v.* cf. Solmsen. *Stud. z. l. l.* p. 179. Osthoff. *Perf.* p. 225.

Sive tantum ex hisce formis videro et iero sive etiam ex formis quales *scii: sciero, —cii: —ciero, —sii: —siero* nascebatur copulatio et quasi necessitudo conjunctivi et optativi aoristi atque indicativi perfecti, plurima exstant perfecta, a quibus analogia trahente derivari possent formae *in—ro—rim*, ita ut ab illis profecta per analogiam extenderentur per omnes perfecti indicativos. Partim ex sententiarum contextu, partim ex analogia et systematis necessitate (*systeemdwang*") formae *in—ro—rim* eodem tempore accepserunt notionem futuri perfecti et conjunctivi perfecti. Loquentium sensibus abstrahebantur suffixa, quae esse videbantur, a radice perfecti, et deinde existimabantur formae verbi esse. (Item in indicativo et conjunctivo plq. perfecti et in infinitivo.) Romanis, qui systemate omnia comprehendere studebant, non sufficiebant paucae quaedam formae harum similes, sed cuique paulatim perfecto suffigebantur talia quasi-suffixa. Quo vero magis extendebatur forma illa recens facta (*„neubildung”*) per totum perfectum, eo magis particeps facta est notionis perfecti, etiam, immo praesertim cum fingeretur a veris perfectis originalibus. Qua ratione exstitit pulcherrimum illud, quod videtur, sistema perfecti. Etenim, quoque perfecti *indicativo* additis *indicativo imperfecti* et *futuri conjunctivo praesentis* et *imperfecti verbi esse*, fingebantur quasi *indicativus plq.*

perfecti et fut. exacti nec non conjunctivus perfecti et plq. perfecti.

Re ipsa intellegitur, accurate indicari non posse, qua ratione et successione per longum spatium temporis exstiterint nostrae formae. Non *statim* per totum perfectum extendebatur analogia, neque statim novae formae solam accipiebant perfecti notionem aut evanescerent notio originalis aoristi, quae formis prototypis inhaerebat partimque necessario transibat in novas formas.

Formae autem *sigmaticae* originitus eodem usu et sensu erant quo aliquot formae pliores. Quare tamen a formis per —r— fictis analoga derivabantur, nec a formis sigmaticis ulla fingebantur similia? Quia longe iniquior erant condicione, quam ut possent certare cum formis per—r fictis. Minime enim nitebantur necessitudine, quam dixi, systematica („systeemdwang”).

Postquam forma originalis, unde ortae erant, aoristus sc. *sigmaticus*, in lingua latina per se non jam exstabat transiitque in perfectum, conjugabantur quidem cum *perfecto*, attamen modo cum minima parte perfecti, cum perfectis in—*si*, quae praeterea tantum fingebantur a radicibus consonanticis. Qua re prohibebantur formae *sigmaticae* quomodo analogia extenderentur.

Formae contra in —*ro—rim* mediae quasi erant nec cum ulla propria indicativi perfecti forma conjugabantur.¹⁾

¹⁾ *Indifferent*, wat betreft den vorm van den ind. perf.

Itaque formae sigmaticae, non jam vitales, paulatim obsolescerunt et evanuerunt. Functiones formarum sigmaticarum deinceps transierunt in formas *in-ro-rim*, unde tamen magis magisque crescente conjunctione cum perfecto, partim revera, partim specie tantum amotae sunt tralataeque in alias verbi formas.

§ 2. Maxime id factum est in *conjunctivo perfecti*, quia in hac forma notio originalis nulla nitebatur causa accessoria.

In sententiis *optativis*, quales sunt: *ita di faxint, di te servassint*, etiam si quis formas *faxint* et *servassint* ascriberet perfecto, non pro iis poterat dicere *fecerint* et *servaverint*, quia in illis formis nimis sentiebatur vis perfectiva perfectivorum *fecei* et *servavi*. Conjunctivus perfecti, ubi legitur in sententiis *optativis*, quales paucae quaedam inveniuntur, plerumque existimare licet auctorem revera indicare voluisse notionem perfecti; idemque ratum est de conjunctivo perfecti *concessivo*. Etiam apud Plautum quem perlegens circa 50 adnotavi locos, ubi utitur conj. perfecti sensu non perfectivo, unam vel duo tantum inveni sententias optativas cum conjunctivo perfecti sensu aoristi adhibito e. g. Cas. 396. deos quaeso, *ut tua sors ex sitolla effugerit*.

Saepius invenimus conjunctivum perfecti *potentialem* et *ne e. conj. perf.* ad indicandum imperativum negativum. (accedunt constructiones *cave* et *cave ne e. conj. perf.*). De usu potentiali cf. Fr. Cramer. *de perf. conj. usu potentiali.* diss. Marburg. 1886. Exempla Plautina potentialis

adhuc exhibent originalem aoristi notionem; notio enim perfecti prorsus repugnat usui potentiali. Apud Terentium consulto formae per —r— factae usurpantur pro formis sigmaticis, et illae etiam sensu originali. Post Ciceronem demum frequentatus est usus potentialis conjunctivi perfecti notitia linguae graecae, in qua frequentissimo in usu erat potentialis addita particula sc. ἀν. Hujus potentialis usu adducebantur Romani ut conjunctivo potentiali „sententias et judicia leniore et blandiore vestimento induere[nt]”. (Cramér). Linguae item graecae notitia adducti sunt, ut discernerent in lingua latina graecum aoristum addito ἀν et praesens addito ἀν. Graeco praesenti respondebat praesens latinum, at aoristo nihil erat, quod responderet nisi perfectum, praesertim cum in indicativo haberat præter suam notionem etiam aoristi. ¹⁾

Itaque conjunctivus perfecti recuperavit notionem originalem in usu potentiali, eo facilius quod nunquam prorsus obsoleuerat ille usus. Attamen artis finibus semper comprehensus est, quia loquentium sensibus conjunctivus perfecti erat conjunctivus indicativi perf., et aoristi functiones magis magisque transibant in praesens.

Restat ut agamus de *conj. perf.* addito *ne*, quo solet indicari imperativus negativus. Apud Plautum 17 inveni locos ubi legitur *ne c. forma sigmatica* et 22 ubi posita est *forma in-rim.* Pari ergo in usu sunt in hisce

¹⁾ Cf Cramér. I. I.. p. 67.

sententiis; apud Terentium tamen una tantum ¹⁾ legitur forma sigmatica post *ne*. Formae igitur per-r-fictae ét propter originem ét propter aequiperationem cum formis sigmaticis acceperunt usum qui a perfecti notione alienus est. Fortasse etiam hic usus obsolevisset et transiisset in praesens, paucissimis formis exceptis, nisi eodem modo, quo usus potentialis, linguae graecae notitia latius perrexisset. In latinitate archaïca saepe usurpabatur *ne c. conj. praes.* sed postea, ut in lingua latina idem discriminem enuntiaretur, quod graeca exprimitur constructionibus $\mu\eta \piοιης$ et $\mu\eta \piοιησης$. *ne c. conj. praes.* adhibebatur in *praescriptis generalibus* et in *sermone familiari*, in ceteris tamen imperativis negativis frequentatus est usus conjunctivi *perfecti*, quod ad formam, *aoristi*, quod ad notionem. Si quis quaerit, quare hic usus certae fere normae acceperit vim, nihil equidem habeo quod respondeam, nisi forte hac in re Romanis opus fuit quodam systemate et constantia.

Idem quod de *ne c. conj. perf.*, dicendum est de *cave (ne) c. conj. perf.*

Tempore Plauti jam prorsus transitus conjunctivus perfecti in sistema perfecti, excepto usu potentiali et prohibitivo, de quibus egimus. Lübberto auctore apud Plautum 215 invenimus locos ubi usus est conjunctivo perf. sensu praeteritali, ± 50 contra, ubi servatur notio aoristi ²⁾.

¹⁾ Heaut. 187.

²⁾ Exceptis sicut cf. Solmsen. *ll.* p. 179, fuerim cet. et perfectis praesentibus novi, odi, memini, perii.

Post Plautum obsoleverunt formae conjunctivi sigma-tici. Apud eum circiter 95 inveniuntur hujus formae exempla, a paucioribus tamen verbis derivata; ita ut jam quasi formulae factae esse videantur, quales paucae qua-e-dam numero, praecipue *faxim* et *ausim*, postea adhuc in usu sunt. Apud Terentium 13 tantum leguntur conjunctivi sigmatici (itaque pro numero comoediarum comparato cum Plautino 39), quorum 9 derivantur a verbo *facere*. Itaque illo tempore non jam sunt sermonis urbani.

Obiter animadvertisendum est proprius quidam usus formae *videri(n)t* apud Ciceronem et posteriores ubi indicatur res, quae alieno iudicio relinquatur c. g. Cic. Tusc. II. 42. sitne igitur malum dolere necne, *viderint* Stoici..

Oritur hic usus inde, quod *viderit* est prototypus conjunctivi perfecti? Conferendum quod infra dicturi sumus de usu formae *videro*.

§ 3. Restat ut paucis agamus *de formis in-ro et-so*, quae indicativi sunt in lingua latina. Altius res repetenda est et iterum laudandum, quod scripsit Lübbertus l. l. p. 80.81. „Man hat auch bei diesen formen (sc. in-so) gewöhnlich der meinung gehuldigt, dass ein syntaktischer unterschied der synkopierten und der volleren formen nicht bestünde.... [aber] die volleren formen des futurum exactum bezeichnen in dem ausgedehnteren theile ihres gebrauchs das *rein zeitliche bevorstehen einer vollendet gedachten handlung*. Sie enthalten gewöhnlich eine reine zeitangabe, indem sie die vollendung der bezeichneten handlung mit

bezugnahme auf eine andre handlung als den ausgangspunkt, von dem ab diese andre beginnt, bestimmen Die synkopierten formen haben die fähigkeit der rein temporalen bedeutung nur in der ersten person singularis (*faxo, amasse*), in allen übrigen personen dagegen bezeichnen sie noch ein *bedingt* bevorstehendes sein, sie enthalten noch nicht eine directe zeitangabe in der zukunft, sondern drücken das bevorstehende sein gleichsam *mit einem anflug, einer leisen färbung von hypothetischen charakter aus.*" Eadem notione hypothetica etiam leguntur formae in—ro. Usus ille utrarumque formarum in sententiis condicionalibus, et quae iis pares sunt, est usus originalis conjunctivi aoristi. Supra jam diximus in condicionibus conjunctivum indicare id quod jam pro certo praesumatur¹⁾. Inde nascitur indicativus linguae latinae post *si*; attamen quia id, quod pro certo praesumitur, nondum certum est, remanet semper in condicionibus notio illa hypothetica. At vero, objecerit aliquis: in versione nunquam exprimitur notio aoristi; utraeque formae hypothetice indicant *actionem perfectam*. Concedo, sed tamen in versione modo indicant perfectum, neque id a natura formarum derivandum est. Supra, antequam exempla in—so enumerarem, adumbravi rationem, qua hac formae interpretanda sint. Jam statim ubi comparamus usum linguae graecae, quae retinuit aoristum, dubitandum videtur de nostrarum formarum notione perfectiva. Latinum enim *si fe-*

¹⁾ Voraussetzung.

ceris graece erit *τὰν ποιῶντας* Vertere quidem possumus: „indien gij gedaan zult hebben”, ét graecum ét latinum, sed cum eo modo vertimus, ita vertimus tantum propter contextum, et, quod ad formam latinam, propter cognationem et conjunctionem cum perfecto, Quare accuratius disserendum de ratione interpretandi formarum in—so et—ro.

Aulul. 57. „*si ex istoc loco excesseris aut si respexis, ego te dedam discipulam cruci*” utriusque formae praebet exemplum pari usu. Concedas mihi, formas *excesseris* et *respexis*, quod ad formam, aoristos esse posse. In condicionibus semper originitus adhibendus est aut *conjunctivus* aut *optativus*; *indicativi* enim indeles repugnat condicionis naturae quoniam actio condicionalis non immediate et tamquam res realis percipitur, sed mediate et non tamquam res realis cogitatur ¹⁾ de cuius effectu nondum constet. At quo certius, quod est in condicione, prae sumitur, eo potius utendum erit conjunctivo aut optativo. Conjunctivus autem adhibetur si constat fere condicionem effectum habituram, et ex hoc conjunctivo oritur indicativus in condicionibus, quo utitur lingua latina. Ille indicativi tamen usus minime originalis existimandus est. *Excesseris* autem et *respexis*, si sunt aoristi formae, sunt conjunctivi aoristi.

Sicut in sententis secundariis, quibus continetur notio notionem primariae antecedens, ²⁾ quales sunt condicionales, optativus originitus est hypotheticalis, item originitus con-

¹⁾ Cf. p. 61.

²⁾ Priorische bijzinnen.

junetivus est *hortativus*; conjunctionibus indicatur tantum vinculum sententiae primariae et secundariae, fitque ex conjunctivo hortativo conjunctivus quo indicatur id, quod jam pro certo praesumitur. („voraussetzung”). Igitur proprie vertemus: „ga weg of zie om, dan zal ik je,” nec praesente, nec perfecto, sed aoristo. Addita conjunctione *si* sententia reddi potest versione: *verondersteld, gjij gaat weg of kijkt om, cet.*

Deinde tria nova cogitata subnasci possunt:

- a. actio condicionalis alteri tempore anteit;
- b. actio condicionalis aliqua quidem ex parte perfecta sit necesse est, antequam altera incipere possit.
- c. actio condicionalis, nondum perfecta, pendet ab ipsius qui loquitur, vel alterius voluntate; in futuro igitur perficietur.

Unde oritur interpretatio et versio „indien gjij weggeaan zult zijn of omgekeken zult hebben, dan cet..”

Videmus igitur notionem futuri exacti in condicionalibus, derivari posse a notione aoristi. Attamen interim aoristus transiit in perfectum accepitque notionem, si non veri perfecti logici, at certe notionem actionis praeteritae. Conjunctivi aoristi e contextu quandam accipere possunt notionem practeritalem et inde vicissim videbatur a perfecto etiam fingi licere formas de aoristo desumptas. Hac mutua quadam notionis et formarum permutatione magis magisque a perfectis, praecipue ubi usurpabantur vi aoristica, fingebantur formae in—ro, quae artius vicissim cum perfecto coniungebantur.

Deinde prorsus in formas perfecti abierunt suamque notionem aoristicam, aut specie tantum, aut revera amiserunt.

Cujus rei causae accessoriae etiam hae sunt:

a. formas in—*ro*, quae habent notionem perfecti, quod videtur, etiam a *veris perfectis* fingere licet et revera ita finguntur;

b. interdum actio condicionalis *omnino* perfecta sit necesse est, ut altera incipiat;

c. in perfecti systemate opus erat *futuro perfecti*, quod praebere videntur formae in—*ro*;

d. his formis accuratissime indicari putabant *actionum consecutionem*.

Illis causis hae formae aoristi, qui per se in lingua latina evanuit, latius perrexerunt et insertae sunt in tempus, quod principalem notionem aoristi indicativi suscepisse videbatur, in perfectum.

Formae sigmaticae, quae in eadem sententia eadem leguntur notione qua formae per —r— fictae, a Romanis eidem interpretationi subjectae sunt, praesertim quod partim nitebantur indicativis perfecti in—*si*.

In glossis igitur utrasque formas pares existimant et indidem derivandas putant. Jam dixi aequiperationem formarum in —*sim* et —*rim* tantum ex tralatione futuri exacti natam esse, cum *notio perfectiva*, quae pulcherrime quadret cum usu futuri exacti et formarum in —*so*, minime in formis in —*sim*, quod vidimus ex allatis exemplis, adhibenda est.

Inde nata est inepta ista glossa Nonii in *Pacuv.* 298. ed. Ribbeck: *veniam precor, petens ut quae ago, egi, axim verruncent bene,* in quo Nonius 505. 16. s. v. *axim* interpretatur: *axim: egerim;* quod, quam absurdum sit, statim appareat. Quid enim sibi vult *egerim* juxta *egi*?

Formae autem in —so, quibus inerat notio aoristi, quam amisit lingua latina, primum transierunt exemplo formarum in —ro, quae perfecto inserta sunt, in sensum perfectivum, et deinde quia nulla verbi forma nitebantur, obsoleverunt eorumque locum obtinuit futurum exactum, nova perfecti systematis forma vitalis.

Post Plauti tempus c sermone urbano formae sigmaticae evanuerunt. Non tamen eatenus ut formae in —sim, apud Plautum formae in—so factae sunt quasi formulae; sed jam Terentius eas quoque rejicit.

Jam appareat notionem, quam agnoscit grammatica, futuri exacti et formarum in—so, natam esse ex usu in sententiis condicionalibus et quac cis sint pares.

Usu paululum mutato ex constructione condicionali oritur quod dicit Lübbertus l. l. p. 81, „eine reine zeitangabe, indem sie die *vollendung* der bezeichneten handlung mit bezugnahme auf eine andre handlung als den ausgangspunkt, von dem ab diese andre beginnt, bestimmen.” Evanescit *levissima illa notio hypothetica*, quam recte animadvertisit Lübbertus p. 81 in formis in—so et multis formis in—ero, atque majoris fit momenti notio *perfecti*; ponitur in condicione *actio usque ad finem perfecta*, antequam

altera incipere possit. Non tamen visa est extarc causa, quare in exemplis enumerandis, auctore Lübberto secer-nerem exempla 1^{ae} pers. sing. a ceteris quae litteram *i* con-tinent („iota—personen“) Quamvis enim plerumque 1^a pers. sing. habeat notionem „einer reinen zeitangabe,“ ea notio gradatim nata est ex notione ceterarum forma-rum, quia, quod facile intellectu, 1^a pers. sing. minus hypothetice voluntatem vel propositum enuntiat quam cete-rae personae.

Notione illa derivata formarum in—*ro* in condicionibus, abstracta est et facile translata in sententias primarias. Ex eo, quod est „*si feceris*,“ nulla ratione habita originis notionis quae artissime cohaeret cum constructione condicionali, facile deductum est: *feceris* = *gij zult gedaan hebben*; ita natum est futurum perfecti. analogiam sequens futuri praesentis. Formae sigmaticae *nunquam* talem acceperunt noti-onem, idque mea quidem opinione, quod formae per se exstantes non nitabantur perfecto. Notionem quandam per-fectivam acceperunt in *condicionibus* sed tantum ex analogia notionis formarum in—*ero*, quae tamen notio formarum in—*so*, *absoluta* fieri non poterat quia nullo systematis adminiculo nititur. Sola forma *faxo* differt a formis ceteris; plerumque enim usurpatur pro *futuro* = *faciam*. [Poen. 888 *indicasso* (Madvig) et Miles 328. *observaviso* (Lübbert) praetermitti possunt]. Haec forma *faxo* existimanda est *conjunctivus aoristi* originalis notione futuri, qui jam in lingua vetustissima usu arreptus, quasi factus est immutabilis formula. Obitur anim-

adversum volo post *faxo* originitus ponendum esse *conjunctivum*. cf. Lübbert, p. 101.

Maxima laborat difficultate usus formarum in—*ero* cet. (praecipue 1^{ae} pers. sing) in sententiis primariis, ubi et apud Plautum, et apud posteriores habent notionem *futuri*.

Quem usum Madvigius in 7 dividit classes; quae tamen divisio non est magni momenti, quia non nititur forma verbali, sed vocabulis quae accedunt. Jure id animadvertisit Meifart. *de fut. ex. usu plautino.* diss. Jena 1885, consentiente Cramer. *Arch. f. lat. lex.* IV. p. 594 sqq.

Qua tamen ratione ille usus explicabitur? Non licet cogitare de fortiore genere, quod dicunt, dicendi („energie des ausdrucks”), quo, quod futurum est aliquid, pro jam perfecto praesumitur. Potius ille usus formarum in—*ero* derivandus videtur a notione originali, conjunctivi sc. aoristi, et ad hanc opinionem firmandam adducendum imprimis quod *videro*, prototypus posterioris futuri exacti, hanc accipit et admittit notione futuri primi.

Nec sane id ita fieri potuisse negari potest; attamen non ea ratione ille mihi usus interpretandus videtur. Mirum enim foret Plautum, apud quem in ceteris constructionibus jam posteriorem notione futurum exactum acceperit, tam integre servasse in forma 1^{ae} pers. sing. in sententiis primariis notione conjunctivi aoristi, quae facillime transeat in notione futuri. Fuit quidem notio illa originalis quasi fundamentum posterioris usus, ipse vere aliunde explicandus est, et quidem ex sententiis, quales sunt: Pseud. 512 si

apstuleris, mirum et magnum facinus feceris. Capt. 659.
pol si istuc faxis, haud sine poena feceris. Quae sententiae cum scribebantur, jam diu formae *apstuleris* et *faxis* Romanis hoc significabant: */si/ actio auferendi et faciendi a te perfecta erit.* At si perfecta erit, alia actio *fiet* vel, quod hoc pertinet, *facta erit.* Etenim in utraque sententia simul atque actio auferendi et faciendi perfecta erit, eodem tempore perfecta erit actio („magnum facinus” et „haud sine poena”) faciendi. Unde natum est praescriptum grammaticum: actio in sententia primaria et secundaria, cum eodem tempore in futuro perfecta singitur, utendum est futuro exacto. Similia exempla sunt: *Si dixero mendacium, solens meo more fecero.* *Argentum nisi quis dederit, nugas egerit.* *Quod si non dederit atque hic dies praeterierit, ego argentum, ille jusjurandum amiserit.*

Ex talibus sententiis facile aliquis efficere poterit futurum exactum in sententiis primariis non multum differre a futuro primo, eo magis cum saepissime etiam leguntur sententiae secundariae in futuro exacto, quarum sententiae primariae sint in futuro primo.

Accedit quod juxta sermonem urbanum, sermo vulgaris libenter longis verborum et formarum ambagibus aliquid enuntiat. Talia inveniuntur e. g. Bacch. 695. *perge ac facile perfeceris.* Capt. 344. *at nil est ignotum ad illum mittere; operam luseris.* Men. 271. *cape atque serva: me lubente feceris.* ibid. 661. *ego faxo referetur.* *Ex re tua, ut opinor, feceris.* cet. Comparanda sunt

nostratum dictiones vulgares: *wat wou u gehad hebben?*
Ik zou hem graag eens gesproken hebben, in quibus vulgus
 utitur perfecto pro praesente.

In exemplis, quae enumeravi, quadam argumentatione explicari potest futurum exactum, quod tamen eodem tempore tam prope accedit ad futurum primum, ut in sermone vulgari, qualis est sermo Plautinus, maxime percrebresceret usus futuri exacti pro futuro, et quasi formula fieret, praecipue in 1^a pers. sing.

Usus tamen ille, quamquam nititur fortasse notione originali, ortus est, postquam futurum exactum factum erat futurum *perfecti*. Quod saepissime futurum exactum pro futuro legitur in fine versuum, quia maxime metro aptum est, eo fortasse explicabitur quare tantopere extenderetur, id vero rei rationem non mutat. cf. Cramer. *Arch. f. l. l.* IV. p. 595. Apud posteriores praecipue legitur tali usu *videro*. Oriturne id inde quod *videro* est prototypus futuri exacti? Draeger. *Histor. Synt.* I. p. 260. novem enumerat locos Ciceronis, et in illis *unum* ex libris ad Att; *sex* exempla aliorum verborum, et in illis *quatuor* ex libb. ad Att.; praeterquam in vocabulo *videro* videtur ergo ille usus fut. exacti pertinere ad sermonem familiarem. Comparandum est quod p. 87 diximus de usu conjunctivi perfecti *viderim*.

Itaque in sermone urbano posteriore ille usus evanescit quia in talibus constructionibus fut. exactum non quadrat cum vera temporum in sententia relatione. Vitalis modo

erat constructio futuri exacti in sententia primaria et secundaria quando utraque actio eodem fit tempore.


Itaque futurum exactum linguae latinae in constructione condicionali et relativa saepissime, quamvis loquentium sensibus prorsus mutatum est, revera *originalem* praebet *notionem conjunctivi aoristi*.

Formae denique sigmaticae, conjunctivi et optativi aoristi sigmatici paulatim loco suo pulsae sunt formis alterius aoristi sigmatici, quae tamen perfecto et inde verbi latini systemati se adaptaverunt; formae autem nostrae in—*so—sim* nulla, post aoristum et perfectum confusa, forma pro adminiculo nitebantur.


Apud Plautum vivunt adhuc in sermone familiari vel paene vulgari, apud Terentium evanuerunt in sermone politiore. Si licet quicquam colligere e XII tabb. fragmentis, contendere poterimus anno circiter 450 aCn formas sigmaticas, si non *solas*, attamen fuisse *praecipuas*, at vero magis magisque obsolescentes vitam traxisse usque ad Plauti tempora, circiter annum 150 aCn.

Quae post Plautum leguntur formae aut formulae inmutabiles sunt, aut in documentis publicis desumptae sunt de antiquioribus documentis, aut apud scriptores posteriores archaismi.

Quousque in sermone vulgari vixerint, fortasse effici poterit ex hodierna lingua latina vulgari, linguas dico Romanas.



T H E S E S.



THESES.

I.

Tacitus. Ann. 16. 19. Audiebatque referentes
nihil de immortalitate animae cet.

legendum: audiebantque referentem.

II.

Cicero. pro Milone. 5. § 12. Illam vero senatus non
sententiis suis solum, sed etiam studiis comprobavit.

legendum: immo.

III.

Juvenalis. Sat. 12. 73. ed. Weidner.

. cui candida nomen
scrofa dedit; laetis Phrygibus miserabile sumen,
et nunquam visis triginta clara mamillis.

legendum: mirabile numen.

IV.

Plautus. Miles. 436—438, 808 potissimum accipiamus Spengelii conjecturam, quae optime quadrat cum codicium lectionibus.

V.

ibid. 1005. Priusne quam illam oculis tuis?
legendum: tueris.

VI.

Lat. *tribus*, Umbr. *trifo*, *trefi* atque Hibernicum *treb* (*trebaim*, *attrebad*, Gall. *Attrebates*), Cymr. *tref*, artissime et proxime inter se cognata esse videntur, praetermissis, quae afferunt Uhlenbeck Etym. Wb. d. Got. Spr. s. v. *þaúrp* et von Planta Gramm. der Osc. Umbr. dial. I. p. 430.

VII.

Euripides. Phoenissae (ed. Dindorf) 4570—4576.

4570. ηὐρε δέν τηλέπτωσι πύλαις τέννα
λωτοτρόφον κατὰ λείμανα λόγχαις
καινὸν ἐνυάλιον
μάτηρ, ὡστι λέοντας ἐν αἰλούσ,
μαρναμένους ἐπὶ τραύμασιν, αῖματος

4575. ηδη ψυχρὰν λοιβὰν, φονίαν,
ἀν ἔλαχ' Ἀιδας, ὠπασε δ' Ἄρης.
restituatur v. 4573 post v. 4570.

VIII.

Euripides. Jon. 957.

αἱ ξυμφοραὶ γε παὶ τὸ λανθάνειν μόνον.

legere poteris:

Ἐν ξυμφοραῖς γ' ἀμεινον λανθάνειν μόνον.

IX.

Sophocles. Oed. Rex. 1375—1377.

ἀλλ᾽ ή τέκνων δῆτ' ὅψις ἦν ἐφίμερος,

βλαστοῦντ' ὅπως ἔβλαστε, προσλευσσειν ἐμοὶ;

οὐ δῆτα τοῖς γ' ἐμοῖσιν ὁφθαλμοῖς ποτε

οὐδὲ ἀστυ ο. τ. λ.

legendum censeo:

ἀλλ᾽ ή τέκνων δῆτ' ὅψις ἦν ἐφίμερος,

βλαστοῦντ' ὅπως ἔβλαστε προσλευσσειν δ' ἔτι

οὐ δῆτα τοῖς γ' ἐμοῖσιν ὁφθαλμοῖς πάρα

οὐδὲ ἀστυ ο. τ. λ.

X.

Sophocles Electra. 1171. 1172.

Θυητοῦ πέφυκας πατρὸς, Ἡλέντρα, φρόνει

Θυητὸς δ' Ορέστης

corrigendum:

Θυητοῦ πεφυκὼς πατρὸς, Ἡλέντρα, φρόνει,

τέθυηκ' Ορέστης.

XI.

Thucydides. II. 25. § 5.

*παραπλευσαντες δ' οι Ἀθηναῖοι επ' ἄλλα χωρία ἐδῆσαν.
legendum ετ' pro επ'.*

XII.

ibid. V. 45. § 1.

*ἵσαν γάρ οἱ Σπαρτιᾶται αὐτῶν πρῶτοι τε καὶ ὄμοιώς
σφίσι ξυγγενεῖς.
pro ὄμοιώς corrigatur: ὄμοῖοι καὶ.*

XIII.

Iliad. XIX. 321. 322. ed. v. Leeuwen.

*οὐ μέν γάρ τι κακώτερον ἄλλο πάθωμα
οὐδὲ τοῦ πατρὸς ἀποφθιμένου πυθώμην.
accepta Duentzeri lectione εἰ καὶ pro εἰ πεν, revocentur
e codicibus optativi πάθοιμα et πυθοῖμην.*

XIV.

Het is noodzakelijk, dat de voor het doctoraal-examen in de Nederl. letteren gestelde eischen:

- a. *de beginselen van het Sanskrit,*
- b. *de beginselen der vergel. Indog. taalwetenschap in het algemeen,*

ook voor het doctoraal-examen in de Klassieke letteren worden verplicht gesteld, onder verplichting der faculteit, in dit opzicht met de wetenschappelijke neigingen van den examinandus rekening te houden.

XV.

Het verplicht gebruik van het Latijn voor het schrijven en verdedigen van het proefschrift tot verkrijging van den graad van Doctor in de Klassieke letteren, worde minstens verzacht tot een *aan de faculteit toegekend recht van dispensatie*.

XVI.

Het is wenschelijk, dat meer dan het geval is, het door de professoren aangemoedigd en in de hand gewerkt worde, dat een student *minstens éénmaal* in zijnen studietijd *van universiteit verandere*.

XVII.

De geschiedenis als verplicht examenvak voor de Nederlandsche en Klassieke letteren vervalle.

Daarvoor trede in de plaats eene volledige historische opleiding met een afzonderlijk doctoraat, aan welke opleiding de bevoegdheid tot geschiedenis-onderwijs worde verbonden.

In de plaats van het examen zullen treden wederzijdsche testimonia.

XVIII.

Ten onrechte zegt W. Ihne. *Röm. Gesch.* II. p. 101, dat den huurlingenoorlog te Carthago in 241 slechts „der kleine Anstoss” was „um das stolze gebäude der Karthagischen herrschaft ins schwanken zu bringen.

XIX.

Een zeer plausibele verklaring der woorden *patrimonium*, *patronus*, *matrimonium*, *matrona* is die, gegeven door H. Genz. *das patric. Rom.* p. 24.

XX.

Tegen de bewering dat de *patrum auctoritas* een recht zou zijn van de *patricische senatoren* alleen, pleit m. i. als zeer sterk argument, dat de historie niets weet van pogingen der *plebejische* senatoren om zich van dat recht meester te maken.

XXI.

De basis der Rom. *gens* is de *bloedverwantschap*; als zoodanig is zij de staatsrechtelijke voortzetting der „*joint family*.”

XXII.

Parmenides leert de identiteit van *gedacht worden* en *zijn*.

cf. Zeller. *Die Philosophie der Griechen.* I. 1. p. 558. A. 1.

